

Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Capvt V.

[urn:nbn:de:hbz:466:1-75090](#)

vel prima sunt parte. Aut fortassis primum locum A virginitas tenet, secundum continentia, tertium conjugalis vita, ultimum conversio peccatorum. In extrema igitur civitatis parte rex ungitur: quia sanctae Ecclesie rector ordinatur, pro peccatoribus, non pro iustis. Hinc enim per semetipsum Veritas dicit: *Non veni vocare iustos, sed peccatores ad patinentiam.* Hinc iterum dicit: *Non opus habent sani medico, sed male habentes.* Sed puerum Saulis spiritualem sensum designare diximus. Quid est ergo, quod precedere & transire a Samuele imperatur? Sed praecedit puer, quando hoc agitur, quod a spirituali sensu nobis suggestur, non quod a motu carnali imperatur. Sed quosdam praecedit & transit, quosdam praecedit & non transit. Non transit quidem praecedens puer arrogantes, transit humiles: nam dum arrogantes magna & spiritualia agunt, in oculis suis magni sunt. Quasi enim secum habent pueram, quem sequuntur, qui in spiritualibus, quae agunt, spirituales esse gloriantur. Quibus profectus Propheta exprobatur, dicens: *Va qui sapientes eis in oculis vestris, & coram vobis mei ipsi prudentes.* Elekti ergo in omnibus, quae agunt, esse quidem spirituales curant, & tenere se spirituales vitant. Magni quidem sunt merito, humiles estimatione: quia semper magna agunt, sed in eisdem magnis se magnos nunquam aspiciunt. Quasi ergo puerum, quem præmitunt, transire faciunt, cum spiritualem sensum præsentem habent in opere, sed longe ab astimatione. Quid vero est, quod paulisper subfistere precipitur, ut ei verbum Domini indicetur? Sed paulisper subfistit, præmisso puer, qui ad horam si proprio arbitrio subtrahit, & alienam voluntatem facit. Transire ergo facit puerum, & paulisper subfistit, qui ad præceptum majoris illa etiam, quae putat spiritualia, deserit: deserit, ut ea, quae sibi junguntur, efficere conuenienter possit. Quod certè ordinando prædicatori convenit: nam dum pondus pastoralis cura considerat, & infirmitatem suam, hoc sibi se præcedens spiritus dicit: quia tantum onus tam infirmus indignè suscipit. Prætermittat ergo non solum, sed transire faciat puerum: ut non arbitrium suum sequatur, sed illud suscipiat, quod ei melioris provisione decernitur. Et de subfistente protinus additur.

C A P U T V.

*T*vlit autem Samuel lenticulam olei, & effudit super caput ejus. D

Hoc profectò hacunctione exprimitur, quod in sancta Ecclesia nunc etiam materialiter exhibetur: quia qui in culmine ponitur, sacramenta suscipit unctionis. Quia vero ipsa unctione sacramentum est, is qui promovet, bene foris ungitur, si intus virtute sacramenti roboretur. Ipsas ergo olei virtutes prius videamus attentius. Oleum quippe liquoribus aliis superfert, oleum ignem fovet, oleum vulnera curare consuevit. Per illud ergo misericordiae bonum significat, quia scriptum de Domino est: *Miserationes ejus super omnia opera ejus.* Quia ignem fovet, prædicationis gratiam designat, quae electorum mentes illuminat. Quia vero vulnera per oleum curantur, hoc profectò insinuat, quod detergenda sunt vulnera peccatorum. Ungatur ergo caput regis, quia spirituali gratia mens est replenda doctoris. Habeat in unctione sua oleum, habeat misericordiam abundantem, quae sibi virtutibus aliis præferatur. Habeat oleum, ut dum ardorem sancti Spiritus in se nutrit, lucere vehementer aliis per verbum possit. Habeat nihilominus oleum medicinæ, ut sapienter disponat, qualiter peccatorum factores tergit, & ægras mentes saluti restituat. Sed lenticula Saul ungitur, non pro presignanda doctrina, sed ad exprimenda futura. Lenticula quidem parvum est vas. Quid

ergo est, quod lenticula olei Saul ungitur, nisi quia fine reprobatur? Nam quia obediens Deus postea noluit, à Samuele audivit: *Quia projectisti sermonem Domini, projecti te Dominus, ne sis rex.* Velut enim lenticula olei parum habuit, qui spiritualem gratiam præcidiens accepit. Quod in rectoribus quoque sanctæ Ecclesie convenienter accipitur. Plurimique enim culmen prælationis accipiunt, qui in charitate Dei & proximi perfecti non sunt. Quendam namque affectum charitatis habent, sed plenitudinem ejus non habent. Illa ergo rudis & imperfecta mentis affectio, quid est nisi lenticula olei? Nam dum ungit caput, & non replet: tota quidem effunditur, sed parum exhibit. Et contra autem cum electus rex ungi præcipitur, eidem Propheta Dominus ait: *Imple cornu tuum oleo, & veni mittam te ad Iesum Berklemitem: proidi enim in filio ejus mibi regem.* Hinc est, quod idem electus rex plenitudinem unctionis sue Dei laudibus imputans, ait: *Impinguasti in olo caput meum, & poculum meum inebrians quam praelarum est.* Qui ergo gratiam unctionis non perseveratur accepit, dispensante Deo, per illius vasum liquorem ungitur, quo unicui defactio signaretur, sequitur:

Et osculatus est eum, & ait: Ecce unxit te Deus super hereditatem suam in principem, & liberabis populum ejus de manu inimicorum ejus, qui in circuitu ejus sunt.

Ad culmen sanctæ Ecclesie rector ducitur, ut hoc officium habeat, quo inter Deum & homines pacem ponat. Peccando etenim, inimicitias creatoris incurrimus. Dum ergo ad peccatorum correptionem rector ponitur, illud de medio tollit, quod Dei nos inimicos fecit. Bene ergo Samuel Saul caput osculatus fuisse perhibetur. Propheta namque osculum definitum ille portat in capite, qui reconciliationis nostra suffragium portat in mente: cum videlicet in se nulla gerit fomenta divinæ discordia, qui in mente paci reddere discordes studet. Osculato ergo principe, dicitur: [*Vnxit te Deus in principem super hereditatem suam.*] Quasi rebus eum admoneat, dicens: Qui te ad hoc positum nosti, ut peccati inimicitias debas solvere, quod in aliis destruis, in te non debes retinere. Nonnulli etenim & unguntur, & osculum non accipiunt; liberare populum Domini satagunt, sed se inimicorum jugo subjicere non pavescunt. Nam qui alii bona prædicat, quæ non agit, quasi osculum dat, quod non accipit. Amicos etenim Dei alios facere querit, & ipse inimicorum esse non deficit. Inimicitias peccati in se aedificat, quas in aliis destruere per verbum tentat. Quia ergo ille solum præminet utiliter, qui per affectum magnæ charitatis Dei amicus est, Samuel caput regis osculatus fuisse dicitur. Hinc ipsa Veritas prius osculatur, quos ordinat: deinde ad liberandos alios mittit. *Vos, ait, Iohann. 15. amici mei eis,* deinde addidit, dicens: *Pofisi vos, & ut eatis, & fructum afferatis, & fructus vestrum maneat.* Hinc item resurgens à mortuis dicit: *Pax vobis,* deinde subdit: *Quorum remiseritis peccata, remittentur eis: & quorum retinueritis, retenta sunt.* Ut velut osculum pacis in eorum mente figeret, quos E peccati odia solvere præcepisset. Osculatus ergo rex super hereditatem Domini constitutus, quia electus doctor eligitur, ut fidelibus subditis dignitate præemineat, sed de prælatione sua non suum, sed Domini lucrum querat. Quare ad hoc constitutus afficitur, ut qui sub eo sunt, de inimicorum manibus liberentur. Hereditas Domini multitudo fidelium est. Omnis ergo saecularis intentio removet, cum rex super hereditatem Domini unctus afficitur. Unctionis ergo fructus est, cultus divinæ hereditatis. Ille ergo officium unctionis exequitur, qui sola querit lucra animatum. Super hereditate quippe Domini in principem se unctum meminit, qui hoc

solum de terrena dignitate querit, quod per suum ministerium Christus quesivit. Hoc igitur verbo negligentium rectorum intentio reprobatur. Audiunt namque, quia super hereditatem Domini uncti sunt: quia de terra Dominus non nisi electos querit; nuntiunt, quod non terra latitudinem, non auri copiam, non divitiarum affluentiam, sed fideles suos hereditatem suam dicit, & tamen terrenum querere, & quod perit, congregare non desinunt. Ad id, quod Dominus non querit, tota sollicitudine intendunt; & quod solum querit, querere negligunt. Dicitur ergo, in quo se negligentes aspiciant, dicitur, in quo boni meliores sunt. [Vnxit te, inquit, Deus in hereditate sua in principem.] Quasi dicat: Hereditatem suam tuam fecit, vide ut tu in ea aliter non regnes. Liberabis ergo populum de manu inimicorum, qui in circuitu ejus sunt. Grandis labor predicatori precipitur per hoc, quod inimici in circuitu esse referuntur. Satis enim grave prælum esset, si in una parte malignorum spirituum saevitiam tolerarent. Hinc per Prophetam denuncians, dicit: In circuitu impij ambulant. Hinc beatus Petrus exhortans, ait: Adversarius vester diabolus, tanquam leo rugiens, circuit querens quem devoret, cui resistere fortis in fide. Inimici igitur nostri in circuitu nostro sunt, quia immundi spiritus cogitatione nostræ, verbo, & operationi semper insidiantur. Nam dum prava nobis suggerere appetunt, ab una parte sunt: cum ad mala pertrahunt, eorum prælio ab alia parte pulsamur: cum ad mala opera invitant, ex parte reliqua bellum excitant. In circuitu ergo hostes habemus, qui in omni, quod cogitamus, loquimur & operamur, malignorum spirituum bella patimur. Sed quia non à bello, sed de manibus inimicorum liberare populum dicitur, magna virtutis insignia predicatoribus ascribuntur: quia non solum liberos, ne capiantur, debent protegere, sed etiam captivos de eorum servitute liberare. Hoc autem tunc à regibus nostris agitur, quando illi per eorum prædicationem resipiscunt, qui per audaciam transgressionis subiecti sunt jugo diabolice potestatis. Quod profectò agere illi solummodo predicatores possunt, qui ad culmen regiminis divina ordinatione perveniunt. Nam quos omnipotens Deus ordinat, ad toleranda prælia antiqui hostis mittit, sed eos inter ipsa bella non deserit, quia milites suos protegit, & viatores facit. Sed cùm sancti viri ad primatum sanctæ Ecclesiæ sustolluntur, vehementer expavescunt, ne onus tanti ordinis sibi judicio hominum sit impositum, non ordinatione conditoris. Ad robur ergo humilium dantur signa, quibus se à Deo, non ab hominibus, electos sciant. Quare & Samuel subjugens, ait:

Et hoc tibi signum, quia unxit te Deus in principem. Cùm abieris à me hodie, inveneries duos viros juxta sepulcrum Rachel, in finibus Benjamin, in meridie salientes magnas foveas, dicentque tibi: Inventas sunt asina, ad quas ieras perquirendas, & intermissis, pater tuus asinis, sollicitus est pro vobis, & dicit: Quid faciam de filio meo?

Quasi enim humili pastori, & de tanto ministerio trepidant dicat: Tu idecirco trepidas: quia an sit ex Deo hoc, quod de te actum est, nescis; sed quia hoc scire potes, trepidare non debes. Hoc igitur tibi signum, quia te non homo, sed Deus in principem unxit: duo videlicet viri illi tibi dicent: [Inventas sunt asina, ad quas ieras perquirendas.] Quasi dicat: Si illos duos viros invenieris, & hoc tibi dixerint, scito, quia te Deus principem, non ego constitui. Quid ergo duo viri isti nobis, nisi perfectos quosque sanctæ Ecclesiæ predicatores designant? Duo quidem

S. Greg. Tom. III.

A sunt: quia perfecti in utroque precepto charitatis viri, quia in sancta conversatione robusti. Qui juxta sepulcrum Rachel inveniri perhibentur, quia per contemplativæ vitæ studium divisi sunt ab intentione sæculi: & dum animarum lucra querunt, non sunt sepulti. Per Rachel quippe contemplativæ vitæ speciositatem signari, venerabilium Patrum indubitate sententia est. Juxta sepulcrum ergo Rachel stant viri, quia sic superna contemplationi perfecti doctores vacant, ut sanctæ Ecclesiæ sollicitudinem gerant. Juxta sepulcrum Rachel stant, quia statum boni operis dirigunt per virtutem contemplationis: & quia nihil gerunt in opere, nisi quod contemplando disponunt. Et quia in ipsa altitudine superna contemplationis non præsumptionem suam, sed rationem sanctæ Ecclesiæ tenere student, sepulcrum Rachel in finibus Benjamin esse describitur. Ut jam dixi, in Benjamin, qui filius dexteræ dicitur, Redemptor humani generis designatur. Fines ergo Benjamin regulæ sanctarum scripturarum sunt: de quibus profectò finibus scriptum est: Ne transgrediaris Prov. terminos, quos posuerunt patres tui. Quia ergo sancti prædicatores, cum summa contemplando vident, à fidei regulâ non discordant; sepulcrum, juxta quod stant, esse in finibus Benjamin rectè dicitur. Qui profectò viri in meridie magnas foveas saliunt, quia per fervorem perfecte charitatis, in qua assumpti sunt, cuncta, que videntur, sæculi alta despiciunt. Quidquid enim in hoc sæculo altum cernitur, non est vera altitudo, sed fovea, quæ omnes, quios in sua ambitione recipit, ad inferna deponit. Alta ergo sæculi viris spiritualibus vitanda, non appetenda sunt: quia ex occulto se aperiunt, & quos absorbendo recipiunt, ad inferna perducunt. Viri ergo spirituales foveas saliunt: quia dum se per cælestē desiderium erigunt, terrena contemnunt. Velut enim visus foveis saltu dant, quando ut terrena contemnunt, ad æterna bona concupiscentia se elevant. In meridie ergo foveas saliunt: quia sæculum non possunt contemnere, nisi qui plenam lucem & ardorem supernæ charitatis habent. Tunc ergo Saul unctum à Domino in principem se intelligat, quando isti sibi dicent: [Inventas sunt asina, quas querebas.] Inventas quippe asinas Saul dicunt, quando ad colligenda animarum lucra idoneum cernunt. Quasi aliter dicat: Electum te à Deo in ministerium prædicationis non ab hominibus credas, si illi hoc de te indicant, qui dum Dei spiritu pleni sunt, quæ dicunt, non humana, sed divina esse sentiuntur. Quia ergo de nobis non nobis, sed nobis melioribus credendum est, aptè Saul à viris in meridie magnas foveas salientibus, se à Domino unctum in principem recognoscit. Sed alijs est, à quo unctionis, alij, qui ipsam unctionem à Domino esse attestantur: quia omne negotium sanctæ Ecclesiæ, sicut collatione sanctorum Patrum magis probatur, ita & magis robustum est. Quasi enim signum unctionis beatus Paulus tunc quesivit, quando videre Petrum Hierosolymam venit, & cum eo, & ceteris Apostolis Evangelium contulit. Non enim ab homine neque per hominem, sed à celo, vocante Domino Iesu, Apostolatum suscepserat: & tamen ministerium unctionis sua per coapostolorum suorum collationem probat. Nam de seipso ait: *Consulti cum illis Evangelium, ne in vacuum currerem, aut cucurisset. Precursores etiam Redemptoris discipulos unixerat, sed ut signa sua unctionis agnoscerent, quasi ad salientem magnas foveas mittebat, dicens: Tu es, qui venturus es, an alium expectanx? Sciebat enim Joannes, quem prædicaverat, quem baptizaverat: sed discipulos mittebat, ut visis signis, quod firmius crederent, electionis sua indicia fecuris tenuissent. Qui ergo ad prædicationis ordinem idonei providentur, in signum sua electionis inventas esse peccatorum, quas querunt, animas recognoscunt. Et quia omnipotens Deus non solum prædicatione, sed etiam*

Gal. 1. 1.

Gal. 2. 2.

Mat. 11.

conversatio elechi doctoris gaudet, subdit, atque A
ait: [Et intermissis, pater tuus, aquis, sollicitus es
pro vobis, & dicit: Quid faciam de filio meo?] Patrem Saul Cis, quidurus nostro eloquio dicitur, eos
designare diximus, qui verbo & exemplo docent ter-
rena despicer, & ad celestem patriam per duram &
asperam conversationem festinare. Hanc quoque ce-
lestis vita duritiam tam in verbo, quam in vita no-
stri Redemptoris agnoscimus. Si ergo ad summam
nostram eruditum apicinus, filij Redemptoris sum-
mus. Pater ergo noster, dimissis afinis, sollicitus est
pro nobis: quia Redemptor noster sic vult nos qua-
rare salutem alienam, ut non negligamus nostram.
Vult, ut vocentur peccatores ad paenitentiam, sed
non vult ut perirent iij, qui ipsos peccatores vocant.
Vult, ut conversus peccator justitiam, quam non
habuit, habeat: sed non vult, ut iustus eam quam
habet, justitiae palmam perdar. Intermissis ergo a-
finis pro filio sollicitus est, quia prædicatores suos
vult ad horam ab aliorum sollicita intentione quie-
cere, ut sibi ipsi per quietem valeant melius provi-
dere. Et quia ipsa sollicitudo sancte Ecclesie à bono
rectore resumenda est, intermittitur quies nostra:
quia prævenit hanc sollicitudo prior, comitatur po-
sterior. Electus ergo prædicator vacet utilitatibus subdi-
torum, vacet sua: sed si sue curam habeat, ut statim
ad eam, quam deserit, alienam recurrit; quia tunc
conditor noster nos, quasi filios diligit, cum
& subditos nostros, tanquam fratres diligimus, &
ipsu[m] quasi patrem amamus, dum per affectum sol-
licitudinis istis jungimur, & ad illum per quietem no-
stram, quam diligit, quasi ad patrem festinamus.
Hæc namque dilectio quietis nostræ exprimitur in
hoc, quod dicitur: [Quid faciam de filio meo?] Hoc
profetæ pater dicit, qui tenerè filium diligit.
Hoc igitur non dicitur de præsente filio, sed absente.
Sed quia perditas afinas patris querit, ei valde dile-
ctus est: quia qui peccatorum animas convertere
prædicando nititur, Redemptori nostro jam in ma-
gna charitate copulatur. Qui certè per aliorum solli-
cititudinem ab eo quasi longè est, per quietem con-
templationis, & affectum orationis propè. Quia ergo
nos sibi vicinos esse & per contemplationem, &
orationem appetit, quasi diligens pater dicit: [Quid
faciam de filio meo?] Quasi dicit: Quomodo ablen-
tem illum, mihi præsentem exhibeo? Quia vero
prædicationis nostræ sollicitudinem magni sancte
Ecclesie viri laudent, sed sollicitudinis nimietatem
vituperant, illi, qui inventas patris afinas dicunt,
sollicitum patrem pro filio afferunt. Signum ergo
sueunctionis cognoscere electi possunt: quia nim-
erum tunc à Deo ad sanctæ Ecclesie culmen perdu-
cunt, cum per verba, & exempla idonei sunt ad
salutem alienam, & per quietem studiosi ad suam:
& cum peccatores ad celum querant, semetipos ad
seculum non relinquunt, sequitur:

Cum inde abieris, & ultra transferis, & ve-
neris ad quercum Thabor, invenient te
tres ibi viri, ascendentes ad Dominum in
Bethel, unus portans tres bedos, & aliis
tres tortas panis, & aliis lagenam vini.
Cumque te salutaverint, dabunt tibi duos
panes, & accipies de manu eorum.

Cum bene proficeret in sanctæ conversatione volu-
mus, necessarium nobis est, ut electorum plurimo-
rum nobis exempla colligamus: nam & apes com-
ponere mella nequeunt, si ea in floribus variis ne-
quaquam legunt. Bene ergo Saul à viris aliis ad alios
peruenit: quia exempla sanctorum, quod copiosus
cernimus, melius edocemur. Flores quippe æternorum
fructuum, sunt opera sanctorum, quæ dum su-
perni amoris rore profunduntur, ex eis carpinus,
unde ad nostram doctrinam, & ad aliorum utilita-
tem replemar. Inde etenim abit, & ultra transit

Saul: quando rudi prædicator per electorum exem-
pla proficit, & à conspectu virtute unius, ad explo-
randam alterius conversationem vadit. Quem saepe
delectat in aliis mirari laborem prædicationis, saepe
in aliis fortitudinem boni operis: illos loquentes ve-
neratur, istos operantes imitari nitirur. Illos apicit,
qua pulchritudine foris fulgeant, istorum splendo-
rem non in exteriori conversatione, sed in intima
persecutatur. Unde & bene cùm transit, ad quercum
Thabor venire perhibetur. Quercus enim umbrosa
est arbor, & fortis. In qua profecta arbor secreta
conversatio sanctorum exprimitur. Hujus namque
conversationis viri, dum ad exteriora opera activæ
vita non excent, quasi in umbra sunt: quia incendia
tentationis sentire non possunt. Quia enim in ce-
lesti desiderio requiescant, quod longius amotis
ab amore mundi, eò & quietiores manent in umbra
refrigescij. Sed umbra hæc fortis est arboris, quia con-
versatio sanctorum tanto validius terrena despici,
quando purius in amorem celestium surgit. Fortis est
etiam, quia facili aduersa potenter tolerant, qui
sola cælestia, que vident, amant. Et quia in magno
lumine interni splendoris sunt, qui terrena respicere
per amorem deditgantur, quercus ipsa Thabor esse
dicitur. Thabor quippe veniens lumen interpretatur.
Lumen enim venit, quando electæ menti se
interna conditoris claritas aperit. Quercus ergo Tha-
bor dicitur: quia secreta conversatio, terrena despici-
endo agit, quo intimam conditoris lucem claris
aspiciat. Secreti namque sumus, quando sensus no-
stris in Dei timore custodimus. Et tunc quidem
veniens lumen cernimus, quia cùm bene reguntur
membra corporis, menti nostræ refunditur gratia
conditoris. Et notandum, quia ad quercum Tha-
bor venire dicitur, qui à salientibus foveas sollicitum
pro se patrem esse sciebat. Nam prædicatores sanctæ
Ecclesie plerumque virtutes laudant, quibus ipsi
vacare non possunt. Contemplativæ quidem vita
secreta predicant; sed dum solliciti sunt pro sub-
ditorum custodia, illius vite adhætere secretis vi-
tant. Quasi ergo Samuel dicit: Viri illi tibi contem-
plationis studium laudent; sed quia quod laudent,
tenere non possunt, in aliis querendum est. Inde ergo
ad quercum Thabor transimus, quando à sanctis
prædicatoribus contemplativæ vitæ studium lauda-
bile noscimus: sed perfectionem ejus in illis queri-
mus, qui ad eam spiritualiter intendunt. Tres ergo
viri, qui unctum regem ad quercum Thabor inveni-
unt, illos designant, qui in contemplativæ vitæ
studio perfecti sunt. Qui bene non inveniuntur à rege,
sed regem illic invenire perhibentur. Non enim in-
veniuntur: quia absconditi sunt. Ipsi vero nos in-
veniunt: quia lucem sue secreta conversationis no-
bis aperiunt, cùm dignantur. Non inveniuntur: quia
vitam suam ab omni hominum testimonio au-
ferunt. Sed nos inveniunt: quia per affectum chari-
tatis nobis ad imitandum aliquid sua lucis ostendunt.
Qui item imitandas virtutes suas non profe-
runt, nisi iis, qui magno desiderio eas obtinere, &
exercere concupiscunt. Prius ergo nos oportet ad
quercum Thabor venire, ut à viris illis tribus va-
leamus inveniri. Nam velut jani in umbra venientis
luminis sumus, quando magni summaræ contempla-
tionis desiderii inflammamur. Tunc ergo nobis
tres viri apparent: quia qui se nobis desiderantibus
dignantur ostendere, in custodia locutionis, cogita-
tionis, & operis fortis sunt. Nam secretioris vitæ
esse non possunt, si oculorum, cordis, & oris ostia
aperta tenuissent. Quia ergo cor ab incepta cogitatione,
os ab otioso sermone, totum corpus à prava
operatione custodiunt, tres sunt: viri autem, quia
eandem custodiam fortissime observant. Tres ergo
viri nobis apparent: quia cùm tales cernimus, in eis
roburi virtutis intuemur. Qui certè in umbra venien-
tis sunt luminis: quia videre internâ lucem conditoris

tantò clariū possunt, quanto studiosius mundum
cor à mundi inquisitione custodiunt. Talibus qui-
dem à mortuis resurgens apparuit Dominus, tales
replevit Spiritus sanctus.

Joh. 20. f. g. *Citetur: Cum sero esset una sabbatum, & fore essent
clausæ, ubi erant discipuli propter metum Iudeorum.*

*Et rursum: Post dies octo iterum erant discipuli ejus
in iis, & Thomas cum eis, venit Iesus ianuis clausis,*

*& stetit in medio, & dixit eis: Pax vobis. De alio
item secreto scriptum est: Dum complerentur dies
Pentecostes, erant omnes discipuli pariter in eodem
loco, & factus est repente de celo sonus advenientis
spiritus vehementis, & replevit totam domum, ubi
erant sedentes. Et apparet illis desperata lingua,*

*tanquam ignis, sedisque super singulos eorum, &
replete sunt omnes spiritus sancti. Clausas quidem
ianuas habent, qui contra humani lapsum negligenter
officia corporis, sub forti custodia stricta reti-
nent. Intus etiam sunt: quia in interna dilectione
superioræ vite requiescent. Quibus profecto resur-
gens Dominus apparet, quia ejus gloriam tantò
clariori aspiciunt, quanto per mundi contemptum
passio ejus mysterium stricter sequuntur. Hi
etiam repleri Spiritu sancto, quasi in domo possunt:*

*quia illi percipiunt abundantia gratiarum ejus dona,
qui ad ea percipienda sele, visibilia contemne-
ndo, paraverunt. Qui bene ad Dominum in Bethel
ascendere dicuntur. Bethel quippe dicitur domus
Dei. Domus vero Dei qua est, nisi domus illa, quam
inhabitat lux inaccessibilis: Lux etiam inaccessibili-
lis est, revelatio divinitatis ejus. Lux quippe est:*

*quia à mundis cordibus qualitercumque videri pos-
test. Planissima quidem in semetipsa replet omnia,
sed abundantanter replens univera, non capit. Ca-
pitur quidem, ut replet, sed replens non capit,
qua, repletis omnibus, non expletur. Revelatio*

*itaque conditoris, quia tanta immensitas lucis est,
ut illuminet omnia, & angustetur in nullo: dum vi-
detur, & non comprehenditur lux est inaccessibilis.
Viri ergo hi tres ad Dominum ascendent: quia qui
se in secretiori vita custodiunt, in divina lucis con-
templatione sublimantur. Sed quia ad ipsam Dei
omnipotentis speciem adhuc pertingere non pos-
sunt, in Bethel ascendere dicuntur. Quidquid enim
de omnipotente Deo humana mens potest cogitare,
Deus non est. Sed dum cogitando cuncta transcen-
dit, dum quidquid potest intimæ lucis, quidquid
interna suavitatis & dulcedinis, quidquid spirituali-
lis delectationis sibi fingere, minus illa esse creditur,
ad quandam lucem tamen pervenit, qua non est
Deus, sed quam inhabitat Deus. Et quia tunc ele-
cti anima mirabiliter inflammatur, mirabiliter refi-
citur, ineffabiliter delectatione fruunt, cogitare
compellitur, quam ineffabilis lux, dulcedo, & de-
lectatio sit, qua ipse est, si tam immensa lux est illa,
quam inhabitat, & non est ipse. Ad Dominum
quippe in Bethel Moyses ascendebat, quando cum
eo in monte loquebatur. Sed qui ad lucem perver-
rat, quam inhabitat Deus, lucem, qua ipse Deus
erat, querebat, dicens: Ostende mihi faciem tuam.*

Ego. 33. c. f. b. d. Lib. 18. Moral. c. 27. B. Ang. contra Maximi. Arch. ep. lib. 1.c. 3. 1. Cor. 13. d. Exod. 33. c. Num. 12. *De quo etiam scriptum est, quia, Loquebatur Moysi
Dominus facie ad faciem: Quid est, quid facie ad
faciem Moyses cum Domino loquitur, & tamen
Dominum obsecrat, ut faciem suam Dominus offen-
dat? Sed facies Dei cognitio ejus est. Cognoscitur
autem Deus per speculum, cognoscitur per scipsum.
Per speculum hic, per semetipsum in celo. Specu-
lum vero est illa lux, quam habitat Deus: ipse autem
lux illa, qua ipse est. Moyses autem qui facie ad fac-
iem Deum videre dicitur, & ejus faciem ad viden-
tum postulare, quid rectius designat, quam perfe-
ctionem electorum, qui jam speculum illius summae
luxis intuentur, sed tamen ad ipsam lucis veritatem
pertingere vehementer cupiunt? Ista quidem cogni-
tio lucis, electorum desideria faciare non novit, sed*

A excitare: illa verò & satiare, & excitare. Nam tam
jucunda res est, ut ineffabiliter concupiscatur: &
tam plena, ut qui jam semper hanc in magno deside-
rio viderunt, semper ineffabili plenitudine satien-
tur. Viri ergo, qui ad Dominum ascendunt, in Be-
thel ascendere dicuntur; quia cum multam in ista
vita proficimus, videre ipsam lucem conditoris per
speculum possimus, in teipsum autem minimè va-
lemus. Et quia ad hanc sublimem visionem non nisi
humiles exaltantur, bène de eisdem viris dicitur:
[Quia unus tres hædos, aliis tres tortas panis fer-
bat.] Tres denique hædos portat, qui ore, corde,
& opere se deliquisse pœnitendo considerat. Quia
enim per hædos, peccatores significantur, ij, qui
in extremo examine ad sinistram æterni judicis sta-
tuendi sunt, hædorum nomine exprimitur. Tres
ergo hædos ad Dominum portat, qui peccata ope-
ris, verbi, & cogitationis pœnitendo considerare
non desinit. Et vir quidem est, & tamen hædos
portat: quia peccare fortiter cavit, sed quasi pec-
cator non definit satisfacere. Nam vir erat, & hæ-
dos portabat, qui dicebat: In multis offendimus om-
nes. Et quia peccata, que confitentur, delere pœni-
tendo satagunt: unus tres hædos, aliis verò tres
tortas panis portat. Tortas quippe panis superius
ad afflictionem pœnitentia rectilimus: quia si panis
ali quando delectationem præsentis vite significat,
panis torquetur, cum pro praterita carnis delecta-
tione cruciamur. Unde & rex Ezechias cum pœni-
tendo compungitur, delectationes regias se tortu-
rum promittit, dicens: Recogitabo omnes dies meos *Isaia 38*
in amaritudine animæ meæ. Quando etiam carna-
lis mens in culpa delectationes resolvit, quasi
diem habet: quia hoc, quod agit, lassantes videntur.
Dies ergo mentis reproba sunt delectationes malæ.
Omnes ergo dies suos peccator recognoscit: quia cum
per divinam gratiam respicit, satisfacere pro uni-
versis malis non desinit. Prudus enim dicitur unus
portare tres hædos, deinde alius tres tortas panis;
ut electi cuiuscumque virtus appareat, qui fortis est in
bono opere, humilis per afflictionem, afflicsus per
contritionem pœnitentia. Et quia tantæ perfectio-
nis esse nequeunt, nisi qui amore æternorum bono-
rum temporalium oblitii sunt, tertius lagenam vini
portare dicitur. Lagenam quippe vini portat, qui
mentem replet calore Spiritus sancti, quo & an-
teriora fortiter currendo appetat, & ea, qua retrò
sunt, velut in magna ebrietatis oblivione derelin-
quat. Nam hædos portabat, qui dicebat: Venero *1. Tim. 5*,
Christus vocare peccatores, quorum primus ego sum. d
Et quia etiam tortam panis portabat, dicit: *Castigo* *1. Cor. 9*,
corpus meum, & in servitutem redigo. Sed quasi am-
phoræ vino ebrius, dicit: Quia retro sunt oblivijs *Phil. 3. c*
cens, ad ea verò, qua sunt priora, extendens meip-
sum, ad destinatum persequor bravium superne vo-
cationis Dei, in Christo Iesu. Viri ergo tres ad Do-
minum ascendent, & tres hædos, & tres panis tortas,
& vini lagenam deferunt: quia remotoris vita
studis dediti, ad contemplationem veri luminis
surgunt ex merito humilitatis. Sed quales sunt in se,
quales vero sint aliis exponit, dicens: [Cùmque te
salutaverint, dabunt tibi tres tortas panis, & acci-
pites de manu eorum.] Salutant nos virti sancti, quan-
do nobis bona æterna salutis annunciant. Qui vero
nos per corpus salutant, caput inclinant, ut rever-
tentiam salutatis exhibeant. Viri autem spiritualibus
caput inclinare, est mente à summa contempla-
tione deponere. Nam si caput non inclinant, sa-
lute non possunt: quia nos salutari eruditione
non instruunt, si mentem à summa contemplatio-
ne celestium non deponunt. Tunc enim nobis ma-
gnam reverentiam exhibent: quia eos, pro quibus
ab alio suo culmine descendere dignantur, parvos
esse non tenent. Sed dum futurus rex salutatur, duo
ei panes tribuantur. Duo enim panes ordinando

prædicatori dantur, quando flere docetur peccata non solum sua, sed aliena. Habet ergo panem unum tortum, quando pro peccatis suis affligitur, habet alium, quando subditorum peccata plangere conatur. Sed & hunc panem Psalmista clarius insinuans, ait: *Surgite, postquam sederitis, qui manducatis panem doloris, Hinc Domino confiterit, dicens: Cibabis nos pane lacrymarum, & potum dabis nobis in lacrymis cum mensura.* Panis ergo torta, panis est doloris, & panis lacrymarum. Et fortasse idcirco ille vir unus tres panis tortas portabat: quia tres erant, qui simul pergebant, ut cum inter se eos divididerent, singuli singulos panes haberent. Quod etiam de hœdis intelligi convenienter potest. Quia in re quid notandum est, nisi quia remotoris vita viri dum singulari conversationem tenent, sollicitudinem aliorum non habent? Unum ergo hœdum, & unum panem habent, qui pro solis suis peccatis compunguntur, & alienis per pastorale officium non gravantur. Et quia, qui ejusdem perfectæ conversationis sunt, in scipis afflictionem carnis amulantur: bene tres panes unus, & aliis tres hœdos, & tertius vini lagenam portat. Velut enim unus portat, quod oblaturi, aut comeduntur sunt omnes: & omnes manducant vel offerunt, quod portat unus, quando pia æmulatione eorum quisque successus, in se habet bona exempla pro aliis, & bona, quæ habent alij, non negligit imitari. Et quia feminino genere dicuntur tortæ panis, hoc profectò insinuat: quia ex consuetudine compungitur, ei nimur ex lacrymis alias plures oriuntur. Quasi enim in feminino sexu secunda est paenitentis afflictio: quia quod saepius quisque compungitur, ed & largiora ei lacrymarum fluenta ministrantur. Saül ergo non unus panis, sed duo dantur, quia flere prædictori pro se solo non sufficit. Accipiat ergo de viorum manibus duos panes; ut videlicet flere exemplo perfectorum discat, sed hæcum necessarium sibi, & pro se subditis recognoscatur. Et quia in manu aliquando potestas accipitur, viri tres panes habent in manu: quia qui provecti sunt in arcem contemplationis, hæcum habent in virtute potestatis. Quia enim nolunt vanâ lætitâ dissipari cù possint, possunt meritò flere cum volunt. Nos quippe infirmi & custodiā mentis nostræ negligentes, etiam cum compungi & flere pro peccatis nostris volumus, non valemus. Quia enim ex magna fervore spiritus, spirituales lacryma producuntur, quia negligentia nostræ frigore constringimur, incalescere citè ad lacrymas prohibemur. Bene ergo panes in manibus habere dicuntur, qui ad querum Thabor futuro regi apparere perhibentur: quia qui in contemplatione vita privata perfecti sunt, lucrum habent subditorum pro observatione virtutum. Et notandum, quia uncto regi Samuel præcipit, dicens: [Et accipies de manu eorum.] Cujus verbi, quæ melior ratio colligi potest, quam ea, que palam cernitur: quia videlicet in sanctis viris afflictionem non libenter æmulamur? Nam qui honorem prælationis, & dignitatem ambient, innumeris sunt: qui vero labore ministerij, & afflictionem carnis de eadem prælatione appetant, pauci. Libenter quidem volumus super alios sublimari, sed eorum plangere peccata vitamus. Tunc enim panes nobis oblatos videamus, sed de manibus offerentis recipere nolumus: quia in electis viris afflictionem cernimus, quam non imitamur. Præcipiat ergo Propheta, dicens: [Accipies de manu eorum.] ut qui idoneus esse appetit rector Ecclesiæ, quod dictum est, afflimeri nequaquam viter. Bene quoque Saül prius ad viros salientes magnas foveas ducitur, deinde ad eos, qui panes, hœdos, & vinum portant: ut rudis prædictor in aliis discat, seculi alta despiceret, & in aliis carnis afflictionem, & lacrymarum hostias pro se, & subditis omnipotenti Deo offerre. Sed & adhuc profectus

A ejus summam insinuans Propheta, subjugit, dicens:

Post hac venies ad collem Domini, ubi est statio Philistinorum, & cum ingressus fueris urbem, obvium habebis gregem Prophetarum, descendenter de excelso, & ante eos psalterium, et tympanum, et tibiam, et citharam: ipsosque prophetantes. Et insiliet in te spiritus Domini, et prophetabis eum eis, et mutaberis in virum alium.

Collis, altitudo est montis. Quid vero in colle hoc rectius accipitur, quam sancta intentio scripturarum? Altitudo quidem montis est: quia non jacet in plano litteræ, sed nimis creta est in spirituallum sensum sublimitate. Recto igitur virtutum itineri ruditus innititur prædictor, si postquam publicos predicatoris, & remotos anachoretas videbit, scriptura altitudinem videat & agnoscat. Quia in re notandum est, quia Saül in eo, quod ab humero, & sursum supra omnem populum eminet, eruditum, & magnæ conversationis virum signare diximus. Cur ergo ad collem Domini ascendit, ut ad scripturam altitudinem veniat, quam cognoscit? Sed simili modo de eo quæri potuit, quod ad videndos viros salientes magnas foveas erit, qui magnæ conversationis esse dicebatur. Ad quod dicendum: quia magnos viros designare ostensus est in conversatione, sed ministerio prædicationis rudes. Qui ergo per exempla meliorum proficeret, & in contemplationis puritate, & officio prædicationis potest, redire ad altitudinem scripturarum debet: quia quod altiori vita proficit, sublimitatem faci eloquij valde subtilius attendit. Dicat ergo Propheta: [Post hac venies ad collem Domini.] Quasi dicat: Cum perfectionem sanctorum virorum perfecta imitatione comprehendis, in tantam scripturam sacra intelligentiam proficies; ut planum jam esse videoas, quod in ea te sublimiter videre cogitabas. [Ibi est statio Philistinorum:] quia qui superbiez potu de celo ceciderunt. Judæis atque hereticis per scripturas illudunt. Stant ergo in colle: quia eorum corda, quæ possident, in scripturis decipiunt intelligentia facilitate. Quoties ergo Judæi ad collem Domini ascendere præsumunt, à Philisthæis ibi statibus captivantur. Dum enim scripturam sensum se sublimiter intelligere astimant, eis in ascensu suo dæmones obviant, & decipientes necant. Merito ergo Saül non statim, sed prius, vias salientibus foveas, & panes, & vinum portantibus, ad collem Domini ire præcipitur: quia virti fideles magnæ & doctrinae meliorum, & exemplorum tutelâ mununtur. Unde & eidem Saül dicitur: [Obvium habebis gregem Prophetarum venientium de excelso.] Quasi dicat: Philistinorum stationem timere tanto minus poteris, quantò ad securitatem obvios Prophetas habebis. Et quia grex Prophetarum, magna defensorum nostrorum multitudo signatur. Timeat ergo Judæus: quia dum solus ascendit, interit. Quid enim idem Propheta nobis obviam venientes dicunt? *Via soli, quia si ceciderit, non est, qui erigat Ecclesias eum.* Solus namque est, qui à Deo relinquitur. Hunc certè cadentem nullus erigit, quia relictum à Deo sanctorum aliquis non assumit. Eleæsus ergo quisque fecurus ascendit: quia solus non est. Qui enim per nos loquitur, nobiscum est. Nam & reprobavit, dicens: *Ecce ego vobis cum sum omnibus diebus, usque ad consummationem faculsi.* Solus quippe non erat, qui dicebat. Solus non sum, sed qui misit me, *Ioan. 8. b* mecum est. Solus item non erat, qui exquirebat, dicens: *An exprimentium eum queritis, qui in me i. Cor. 13. loquitur Christus?* Quod non solum de Domini spi-

ritali præsentia, sed & materiali electorum doctrina intelligi convenienter potest. Sancti quidem prædicatores in colle Domini, ubi est statio Philistinorum, ascendunt: sed quia Prophetarum gregem habent obvium, ipsos Philistheos nequaquam metuant. Qui vero sunt hi Prophetæ, nisi magni prædicatores sanctæ Ecclesie? Prophetæ namque ministerium est occulta revelare, & futura prædicere. Doctores autem sanctæ Ecclesie dum occultos scripturatum sensus ad communem scientiam trahunt, secreta, quæ nesciuntur, aperiunt: & dum æterna gaudia prædican, futura revelant. Prophetæ ergo nobis obviam veniunt: quia doctores sanctæ Ecclesie, scriptura sanctæ veritatem nobis ostendunt. Dum enim ea, quæ de sacro eloquio scire volumus, nobis dicunt, per viam, quæ ad collem Domini pergitur, cunctibus occurunt. Ibi ergo per occursum Prophetarum securi sumus, ubi Philisthei sunt: quia per auctoritatem sanctorum prædicatorum scriptura intellectum agnoscimus, in qua Iudei, & hæretici errorum suorum gladio à dæmonibus perimuntur. Ecce enim si ad legem Moysi recurrimus, collem profectò Domini invenimus. Ibi certè de tabernaculo, ibi de magno Pontifice, ibi de hircorum & vitulorum simul, & agni paschalis sanguine legimus. Iudei hoc suu spiritu juxta litteram intelligunt, in quo quia nullum Prophetarum secum habent, moriuntur. Ego si ad hunc montem ascendere volo, ante descendentes Prophetas video, & securus ascendo. Et ut novos interim deseram, Esaias

Isai. 53, b ascendi prius occurrit, dicens: *Quasi ovis ad occisionem ducetur, & quasi agnus coram tondente se, non aperiet os suum.* Hinc Paulus ait: *Christus afflensus Pontifex futorum bonorum per amplius, & perfectius tabernaculum, non manu factum, id est, non hujus creationis, neque per sanguinem hircorum aut vitulorum, sed per proprium sanguinem introivit semel in sancta, æterna redēptione inventa.* Sed si plures habere volumus in isto colle, omnes Prophetas requirentes invenimus: quia quod veteres doctores promiserant, hoc in Redemptore nostro novi prædicatores impletum esse demonstrant. Quare, & collis nomine Redemptor humani generis convenienter designari potest. Unde Esaias vaticinans, dicit: *Erit in novissimis diebus preparatus mons domus Domini in vertice montium.* Collis quidem dicitur pro sublimitate sanctitatis: Domini vero, quia summus est filius genitoris. In quo nimurum colle statio Philistinorum esse dicitur: quia & in signum natus est, cui contradicatur. Statio quidem Philistinorum est contrariaetas hæreticorum. Velut enim in colle stantes, ad collum ascendentibus insidiantur: & dum Scripturas sacras male exponendo perversunt, ad cognoscendum Redemptorem negligenter ascendentis perimunt. Eleitus ergo ne trepidet, gregem Prophetarum ascendens obvium habet: quia ei ipsum Redemptorem annunciant omnes prædicatores testamenti veteris & novi. Qui nimurum de excelso veniunt: quia qua in terra prædican, in celo vident. Unde & Joanni quasi vero ex electo grege Prophetarum a celo dicitur: *Ascende hic, & ostendam tibi, quid oporteat fieri post haec.* Qui cum ascendisset, agnum, quem Moyses occidendum figuraverat, & ipse in cruce oblatum viderat, jam regnante confixus & agnoscit: & quantas gratias agerent ei iij, pro quibus occisus fuerat, didicit. De celo igitur prædicatores veniunt: quia quod minoribus prædican, in caelesti contemplatione dicerunt. Bene etiam grex Prophetarum Saül occursus in ingressu urbis afferitur; quia summos prædicatores sanctæ Ecclesie illic videre possumus, ubi descendunt, non ubi sublimantur. Ea enim, quæ vident in caelestibus, quo modo videant, aut dulciter ament, non videntur. Paulus namque Aposto-

Isai. 2, a
Libro 3,
Moral.
cap. 4,
Luc. 2, c

Apoc. 4,
a

lus raptus est in paradisum, & assumptus est ad tertium celum, audiuit etiam arcana verba, quæ non licet homini loqui. *Quis ergo invenire tantum prædicatorem possit in paradisum raptum, aut ad tertium celum assumptum?* Sed ista de se coactus beatus Paulus dixit. Unde & in fine expositiæ sublimitatis se humilans, ait: *Factus sum infipiens, vos me coegisti.* ^{2. Cor. 12} *ibid. 2* Quanta ergo fuerunt illa, quæ dicere noluit, si ad haec manifestanda coactus venit: Nam & qui audiuit, & quæ homini non licet loqui, vidit, quæ homini non licet scire. Dicas fortasse: Si vellet, humana tamen quo modo dicere possit locutione illius tertij celi pulchritudinem, intimæ illius claritatem lucem referre, Angelorum fulgorem inenarrabilem, & inaccessibilem claritatem, quæ dulciter de plenitudine illius electi & beati illi æterni cives omnes accipiant, quæm desideranter sumant, quæm pleniter repleantur, quæm suaviter divinæ bonitatis dolcedinem gustent, quæm delectabiliter plenitudine satientur: qui splendores sunt singularis de una ineffabili illa luce conditoris, quæ simul omnium de una illa gloria pulchritudo: quæ excellentia dignitatis alij præmineant aliis, quæ sunt boni melioribus ineffabilis justitiae jucunditate subiecti? Ad hoc ergo excelsum Paulum sequi non possumus, sed urbem ingredimur, in qua velut ab alto descendens, nobis obviam venit. Nam qui certe non possumus alta, quæ prædicatores vident, venerabiliter audire debemus plana, quæ docent. Sed cum descendunt, ante se psalterium, tympanum, tibiam, & citharam deferunt. Psalterium quippe C habent, quia regnum cælorum annunciant: tympanum habent, quia prædicant mortificationem carnis: tibiam habent, quia flere subditos jubent pro acquisitione æterna latitia: citharam quoque habent, quia gaudere piis pro certitudine æternorum edocent. Psalterium quidem, qui à superiori parte resonat, etiam æternorum gaudiorum prædicacionem designat: quia dum superna amare suggestit, quasi à superiori parte sua dulcedinis sonum mittit. Tympanum vero, quia de mortui animalis corio tenditur, in eo non inconvenienter carnis nostræ mortificatione figuratur. Tibiam autem, quia in mortuorum hominum exequiis haberi solet, de Evangelio didicimus: quia dum Dominus Archisynagogi filiam resuscitare vellit, de domo illius tibicines ejecit, & turbam tumultuantem expulit. Quid ergo in tibia, nisi sanctorum luctus exprimitur? Nam dum se ab illa vita æterna, quam appetunt, projectos apicunt, semetipsos quasi mortuos plangunt. Cithara autem valde lœtum musicum est instrumentum. Quo nimurum instrumento verbum solatij electorum apicè figuratur: quia velut ad sonum cithara hilarescimus, quando nos electi prædicatores inter ærumnas præsentis exilij consolantur. Psalterium ergo primum in promissione prædicatorum ponitur: quia ante omnia caelestis regni gloria prædicanda est; ut dum bonum agnoscimus, quod amemus, labore pro eodem bono adipiscendo cupiamus. Hinc est, quod cum in Evangelio Matthæus principia Dominicæ incarnationis assereret, dixit: *Cœpit Iohannes prædicare, & dicere: Penitentiam agite, appropinquabit regnum cælorum.* ^{Mat. 4, c} Sed quia cum caelestia nescimus, si ad ea pervenire volumus, necessè est, ut passiones carnis mortificemus, prædicatores sanctæ Ecclesie velut post psalterium, sonum tympani faciunt. Ipsa autem mortificatione corporis quid est aliud, quæm preparatio eterne beatitudinis? Cælestia ergo preparari diligimus, & ardenteris fletibus ea postulare jubemus. Quasi enim tibi mortuos plangimus, quando vehementer dolemus: quia adhuc in illa æterna vita non vivimus. Post tympanum ergo prædicatores nostri tibiam habent, quando & membra nostra nos docent mortificare, & pro amore æternæ

vite ingemiscere. Citharam quoque post tibiam du-
cunt: quia præcipiunt sic deflere ærumnas præsen-
tis exilio, ut gaudeamus de promissione æternæ
hereditatis. Nam psalterium insonabat Propheta
magnus, cùm dicebat: *Oves meæ vocem meam au-
diunt, & vitam æternam dò eis.* Psalterium item per-
cutiens, ait: *Exaltari oportet filium hominis, ut om-
nis qui credit in eum, non pereat, sed habeat vitam
æternam.* Tympanum sonabat, qui dicebat: *Mor-
tificate membra vestra, quæ sunt super terram: for-
nicationem, immunditiam, libidinem, concupiscenti-
am. Tibiam sonabat, qui dicebat: *Miseri estote,
lugete, rísus vester vertatur in luctum, & gaudium
in mortuorem.* Tympanum sonabat, qui dicebat:
*Propter te mortificans tota die, astimati sumus, sicut
oves occisi misis.* Tibiam vero ante se habet, qui item
Deo loquitur, dicens: *Cibabis nos pane lacryma-
rum, & potum dabis nobis in mensura.* Tibiam ante-
te se habebat Dominus, cùm dicebat: *Amen dico
vobis, quia plorabitis & flebitis vos, mundus autem
gaudebit, vos vero contristabimini.* Sed velut citha-
ram sonum subiungens, ait: *Tristitia vestra verie-
tur in gaudium.* Quasi citharam nobis sonabat, qui
dicebat: *Gaudete in Domino semper, iterum dico gau-
dete: modestia vestra nota sit omnibus hominibus,*
Dominus prope est. Citharam nobis sonat, qui civi-
tatis nostræ bona annuncians, ait: *Gaudium & lati-
tia invenietur in ea, gratiarum actio, & vox laudis.* Quia ergo prædicatores sanctæ Ecclesiæ caeleste re-
gnū annunciant, & pro eodem regno adipiscendo,
mortificare carnem, flere captivitatem, in spe futu-
ra beatitudinis nos exultare præcipiunt: Prophetae
ab excelsis descendentes, ante se psalterium, tympanum,
tibiam, & citharam habere perhibentur. Et
grex quidem Prophetarum dicitur, quia multi sunt
pastores sanctæ Ecclesiæ, & pastorem unum habent
Dominum Iesum Christum. Et notandum quia psal-
terium, tympanum, tibiam & citharam ante se ha-
bere Prophetæ perhibentur, ut electorum, prædi-
catorum forma videatur. Reprobi namque post se,
quæ prædicant, habent: quia dicunt & non faciunt,
negligunt bona agere, quæ cognoscunt: Unde &
adhuc regi Saül, jam Domini mandata contemnen-
ti, dicitur: *Quia projecisti sermonem Domini, pro-
jectum est Dominus, ne sis rex.* Hinc per Prophetam de
Judæis Dominus queritur, dicens: *Prosecerni me
post corpus suum.* Sancti ergo doctores, quia iter su-
pernæ conversationis, quod prædicant, continuo in-
cessu boni operis servant, in eoru typō dicitur, quia
Prophetae psalterium, tympanum, tibiam & citha-
ram ante se descendentes habuerunt. Possunt enim
hæc instrumenta ad prædicationem Redemptoris re-
ferri. Et quia non valde superioris, collem Domini ipsius
esse Redemptorem diximus, organorum conve-
nientiam intueamur. Qui regni æterni eum regem
nominat, nobis profecto psalterium sonat. Et qui dis-
ciplinam mortificationis nostræ in eo afferit, velut
tympanum ferit. Tibiam sonat, qui mortuū Redem-
ptorem pro salute mundi denunciat. Citharam per-
cutit, qui eum à mortuis surrexisse, & ad celos al-
cendisse dicit: *Sed ad tantorum organorum jucun-
ditatem hilare cœmus, si ipsum Prophetarum gregem*
insonantem audiamus. David namque dicit: *A fun-
mo celo egressus ejus, & occursus usque ad summum.*
*Hinc item dicit: Adorabunt eum omnes reges terre,
omnes gentes servient ei.* Velut enim psalterium in
laudem Redemptoris tenuit, qui superiori partem
laudis obtinuit, & Redemptoris adventum à sum-
mo celo prædicavit. Tympanum mortificationis
ejus Esaias tetigit, dicens: *Et vidimus eum, & non
erat asperitus, & desideravimus eum, respectum, &
novissimum virorum, virum dolorum, & scientem
infirmitatem: & quasi absconditus vultus ejus &
respectus, unde nec reputavimus eum.* Tibiam mor-
tis ejus item sonans, ait: *Tanquam ovis ad occi-**

sionem ducetur, & quasi agnus obmutuit. Citha-
ram resurrectionis David increpitans, ait: *Com-
moveatur à facie ejus universa terra, dicit in gen-
tibus, quia Dominus regnavit à ligno: etenim firma-
vit orbem terre, qui non commovebitur.* Citharam af-
fensionis etiam tangens, dixit: *Regna terra cantate* *Psa. 67.4*
Deo, qui ascendit super celos celorum ad orientem. Propheta ergo de excelsis descendunt, quando san-
cti prædicatores illa sacramenta nobis annunciant,
quæ alta contemplatione didicere. Et psalterium,
tympanum, tibiam, & citharam dicunt: quia Re-
demptorem nostrum aeterni regni Dominum asse-
runt, & per humanam conditionem humiliatum,
& mortuū mundum redimere, & resurgendo ca-
lestia reparare. Quæ nimur laudis instrumenta
ante se habent: quia ea, quæ dicunt, intelligent.
Econtra vero Caiphæ prophetare dicitur, & ea, *Ioan. 11.*
quæ dixit, ignorare: cum tibiam Dominica mortis, &
quam tetigit, & non ut electus Propheta haberet
ante se, sed post se. Bene ergo de electis Prophetis
subiungit: *[Ipsissimum prophetantes.]* Quia dum vi-
dent, quæ dicant, velut ante se habent instrumen-
ta, quæ tangent; & dum prædicant, illud profe-
runt, quod prævidendo cognoverunt. Saül ergo ad
collem Domini venit, quando electus & rudis præ-
dicator spirituali scientia proficit, & Redempto-
rem humani generis non in plano humanitatis,
sed in alta divinitatis ejus maiestate cognoscit. Tunc
quidem Prophetarum choros concinantes audit:
quia omnes scripturas, quæ de ipso sunt, perfectè
Intelligit. Qui igit viros magnas foveas salientes
vidit, qui hædos, & tortas panis, & amphoram
vini portantes aspexit, ad collem Domini perve-
nit; quando is, qui per electorum exempla profe-
cisse cognoscitur, ad culmen scientia sublimatur;
& Redemptorem sublimiter sciens, ineffabiliter
diligit, à quo quod item scire de eo appetit, quasi
familiaris amicus possit. Bene subditur: *[Et insiliet
in te spiritus Domini, & prophetabis cum eis.]* Insil-
lite spiritus Domini dicitur, quia electorum corda
donis ejus subito replentur. Qui statim prophetare
incipiunt: quia qui divino spiritu pleni sunt, Dei
magnalia tacere non possunt. Vel prophetatus
affluit, cui Samuel divini verbi gratiam pollicet.
Quod tale est, ac si dicat: Qui modò in illa
abundantia in te supervenientis spiritus loqui non
potes, quando illa te tibi plenitudo infuderit, lo-
quendi copiæ abundabis. Hunc quippe insilientem
spiritum discipulis promittens Dominus, ait:
*Cum venerit ille spiritus veritatis, docebit vos om-
nem veritatem, & qua ventura sunt, annunciatib[us]
vobis.* In eos quidem supervenientis spiritus insiluit,
quorum corda repente veniens, illustravit. Et illu-
strati prophetaverunt, quia Redemptorem humani
generis omni lingua prædicaverunt. Quod certè in
sancta Ecclesia etiam nunc fieri cernimus: quia sèpè
qui divina loqui appetunt, ab eodem spiritu subito
docent, & loqui optimè ea etiam possunt, quæ pre-
meditatione nulla dicere. Pro custodia quippe
mandatorum Dei, percipiunt gratiam verbi in subli-
mi revelatione Redemptoris. Quid enim mirum, si
lucem scientie percipere subito possunt, qui per vita
puritatem sedes sancti Spiritus semper sunt? Sed quæ-
le esset sancti Spiritus donum, si scientiam daret, &
affectionem magnæ charitatis non daret? Qui enim illo
spiritu replentur, caelestia prædicant, sed quæ loquun-
tur, amant. Aptè ergo subiungit: *[Et maturaberis in vi-
rū alium.]* Amor electæ mètis quid est aliud, quam
immutatio vetustatis? Natura enim nostra per lapsū
primi hominis si damnata est, ut quotidie labendo
deficiat, & deficiendo veterascat. Sed qui in nobis
metiphs deficiuntur, cùm in nos ille spiritus insilit, re-
novamur: quia statim quod non eramus, efficimur.
Tepidus erat quis, sed repente visitatus à spiritu, fer-
vens efficitur. Incipit ardore per devotionem, fortiter
exerceri

*Liber 3.
Mot. c. 11
Psa. 95. b*

exerceri in bono opere. In virum ergo alium mutatus est: quia esse cœpit, quod ante insilientem spiritum in se, esse non potuit. Jam bona conversationis est aliquis, cœlestia amat, terrena despicit: sed pro iis, quæ sursum diligit, & pro iis, quæ odit in infinitis, flere non prævalet. Sæpe vero flere appetit & non potest, qui plura, quæ flere debeat, commissæ recolit: sed cum subito ille spiritus infilit, in lacrymarum fontes erumpit. In virum ergo alium mutatur, qui compunctionis gratiam per advenientem spiritu suscipit, quam ante adventu ejusdem spiritus non habebat. Puritatem cordis quis obtinere appetit, cœlestia cogitare, nullis curarum secularium excursionibus impediri; sed ad id, quod per devotionem appetit, affligerne nequit per affectum puritatis. Repente autem raptus in virtute supervenientis spiritus esse carnalis desinit, potenter saceruli cursus abjicit, & in æternorum contemplationem mira puritate consurgit. Miratur se tunc esse, quod non erat: miratur se tunc non fuisse, quod est. Nam cum in spiritualibus talem se videt, miratur quia talis est, quod talis fuisse non potuit. In virum ergo alium mutatur, qui illud, quod non fuit, se videt esse, & illud, quod fuerat, non esse. Bene ergo de Saül: [Mutaberis in virum alium.] Quia predicatores sanctæ Ecclesiæ cū gratiam divine predicationis accipiunt, non accipiunt solam scientiam verbi, sed virtutem amoris: ut per verbū aliis prodeſſe valent, & per verbi amorem ipsi meliores fiant. Quando etenim loquuntur, mutantur in virum alium: quia cùm per eos spiritus loquitur, ipsi mira charitate eidem spiritui coniunguntur, & ab eius voluntate jam nec verbo, nec operatione dissentunt. Talem namque vi:um sacra scriptura collaudans, dicit: Qui adhæret Deo, unus spiritus est. Deo namque adhæremus, quando Spiritus sancti gratiam abundanter accipimus, & unus spiritus cum eo efficiemus, quando divine voluntati mente, ore, & opere concordamus. Bene ergo Prophetæ Samuel subjunxit, dicens:

*Quando enim venerint tibi omni signa hac,
fac quodcumque invenit manus tua: quia
Dominus tecum est.*

Hæc quidem signa sunt, in quibus se prædicator agnoscet, & tunc omne, quod disponit agere, audiat, cùm certa experientia noverit: quia in magna charitatis abundantia virtutem suscepit Spiritus sancti. Sed docere ea debet prædicator, quæ agit, sicut de Domino Lucas dicit: *Quia cœpit Iesus facere & docere usque in diem, quæ præcipiens Apostolis, per Spiritum sanctum quoniam elegit, assumptus est.* Hinc Rom. 15, Paulus ait: Non audio loqui ea, quæ perme non efficit Deus, in obedientia gentium verbo & factis. Samuel itaque uncto regi præcipit, dicens: [Fac quodcumque invenit manus tua.] Quasi dicat: Cùm te divina gratia plenum videris, doce alios quidquid facis: quia ex præsidente tibi eadem divina gratia habes, & optimè vivere, & utiliter prædicare. Sed tamen, quid ante hæc omnia observare debeat, subiungit, dicens:

Et descendes ante me in Galgala. Ego quippe descendam ad te, ut offeras oblationem, & immoles victimas pacificas. Septem diebus expectabis me, donec veniam, & ostendam tibi, quæ facias.

Quid est, quid prius dicit: [Fac quodcumque invenit manus tua.] deinde subdit: [Septem diebus expectabis me, donec veniam, & ostendam tibi, quæ facias.] Sed qui signa perceperat, quibus se unctum regem à Domino sciret, probandus erat, an ipsa signa cognosceret. Quod quidem magis spirituali, quæ historice explanationi convenient. Nam venire in collem Domini, ad perfectam cognitionem

S. Greg. Tom. III.

A & amorem Redemptoris pertinere diximus: propria dono repleti, ad virtutem Spiritus sancti. Dicit ergo: [Quando tibi omnia hac signa venerint, fac quodcumque manus tua invenit.] Quia quisquis certus est de intima inspiratione sancti Spiritus, presumere potest tam de proposito boni operis, quam de dispositione prædicationis. Dixit item: [Septem diebus expectabis me, donec veniam, & ostendam tibi, quæ facias.] Quia summi pastores sanctæ Ecclesiæ dum de minorum profectione dubitant, solliciti valde sunt, ut hanc in eis certis indicis recognoscant. Quæ autem sunt indicia spiritus, nisi excellentia dona humilitatis? Sanctus enim Spiritus, quod majori luce virtutum electorum corda irradiat, eò & abundantiori dono humilitatis ditat. Quæ enim celiores sunt meritis, planiores sunt per virtutem humilitatis. Qui ergo ante Prophetam in Galgala descendere, & expectare jubetur, ei nimurum pro cognoscenda humilitate, obedientia onus injungitur. Rectus quoque ordo electæ conversationis est, ut obedientiam non injungat aliis, quam ipse aliis impendere non curavit. Expectare ergo præcipitur, ut, an sit verè humilis, agnoscatur. Si ergo signum perfecti prædicatoris est repletio sancti Spiritus, & virtus humilitatis signum illius plenitudinis, quid in laude humilitatis dicitur, nisi quia ejus dona sunt signa signorum? Sed quia immolatus rex per Prophetam præire jubetur, ea, quæ dicuntur, melius cernimus, si ex ordine videantur. Galgala quidem interpretatur rota. Quid verè rota in isto loco significat, nisi vitam obedientium? Rota quidem volvendo graditur, & modò alta petit, modò inferiora. Sic nimurum vita obedientium, quia inferius agit, quod sursum pertrahit, & sursum videt, quod inferius exhibet, quasi ad alta sublevatur, & ad ima deponitur. Nam quod obedientes inferius agunt, sursum tollunt: quia quād prælatorum iussis obediunt, terrena sunt, quæ operantur, sed de terrenis, quæ faciunt, superna præmia prestolantur. Item quod sursum habent, ad terram flecent: quia ut bene terrena agant, cœlestia contemplantur, & illud solumpmodo operantur, quod summa illi felicitati convenire conspiciunt. Hanc profectò rotam flecente Moysei Dominus præcipiens, ait: Omnia fac, sicut ostendum est tibi in monte. Qui enim in summis vidit, quod fecit in infinitis; nimurum superiore rotæ partem ad terram flexit. Inferiorum quoque partem ad superiora extulerat, qui dicebat: Vivit Dominus, in cuius conspectu sto. In imo Reg. 17 quidem stabat per humilitatem obedientiae, dum regi perfido exprobaret: sed planitiem operis in sublimitate exultit divina contemplationis, ut velut currentem rotam optimè volveret, dum in terreno operæ, quid cœlesti mereretur, aspiceret. Hæc profectò forma est electæ obedientie; ut in omni, quod foris agimus, ad potentiam conditoris ubique præfitem respiciamus. Sic nimurum in subdivisione obedientiae nostræ habere possumus & rectitudinem operis, & incrementum devotionis. Recti quidem tunc sumus opere: quia pro eo, quem cernimus, nos in labore obedientiae exercemus. Devoti etiam sumus: quia ei nos placere credimus, quem inspectorem nostrorum laborum attendimus, & largitorem aeternæ retributionis. Et quia majorum imperia perfecta humilitate observanda sunt, bene Saül dicitur: [Septem diebus expectabis.] Septenarius quippe numerus propter dona septiformis Spiritus est. Septem diebus doctores Ecclesiæ expectamus, quando per virtutem septiformis Spiritus, tantam intimæ devotionis claritatem suscipimus, ut eorum præcepta nullatenus negligamus. Quo in loco notandum est, quia non dixit: Septem diebus eris in Galgala, sed: [Septem diebus expectabis me, postquam descendens ante me.] Ante prædicatorem descendimus, quando hoc agimus, quod ejus nobis iudicio imperatur. Tunc quidem descendere dicimus:

P

quia mentes nostras eorum imperio subjugamus. A
Septem vero diebus expectare, est bonum obedi-
entia omni luce cordis implere. Quod tunc certe
agimus, quando majorum mandata nec dura, nec
levia præterimus. Nullam quippe dierum ab hac
luce vacantem Dominus esse volebat, quando dice-
bat: *Qui solverit unum de mandatis istis minimis, &*

docuerit sic homines, minimus vocabitur in regno celorum. Et quia perfecta obedientia, quam homini-
bus exhibemus, munus est creatoris; qui septem
diebus expectat, oblationem offerre dicitur, & pa-
cificas victimas immolare. Oblatio quidem Domini
est, quia hominibus pro Deo offertur, sed ob-
lata hominibus a Deo suscipitur. Victimae sunt
obsequiae obedientium; quia cum hominibus pro
Deo subjiciuntur, superbos spiritus superamus. Ce-
teris quidem virtutibus demones impugnamus, per
obedientiam vincimus. Victores ergo sunt, qui
obedient: quia dum voluntatem suam aliis perfe-
ctè subjiciunt, ipsi lapsi per obedientiam Angelis
dominantur. Sed notandum est, quia Samuel ante
se Saul in Galgala; descendere praecipit sine se au-
tem eum offerre oblationem & victimas noluit.
Nam dixit: [Ego quidem descendam ad te, ut offeras
oblationem, & immoles victimas pacificas, septem
diebus expectabis me, donec veniam ad te, & ofer-
dam tibi, que facias.] Quid est hoc, nisi quia ipsa
bona nostra & ignorare sapienter, & scire aliquando
utiliter debemus? Ignoranda quidem sunt, ne
infirmis nobis elationem praebant: sed a perfectio-
ribus scienda sunt, ut per devotionem crescant.
Unde & bene in Evangelio de Elisabeth prægan-
te dicitur: *Et occultabat se mensibus quinque.* Qui
enim spirituales ac fortes esse nequeunt adhuc,
per quinimum numerum designantur. Quæ autem
noviter concipiunt, quinque se mensibus celat: quia
per sensus corporis bona agit: sed quia spiritualis,
ac fortis in hoc bono opere nondum est, ea, quæ
agit, sapienter abscondit. Ille ergo victimas Deo,
ille oblationem offert, qui septem diebus expectans,
venientem Prophetam recipit: quia tunc Deo di-
gnum est, quod impendit, cum impendens justus
est virtute obedientia, & divina imministratis con-
sideratione timoratus; cum se aliud esse non cre-
dit, nisi quod majorum probatione cognoscit. Quasi enim
præsente Propheta, offerimus, quando illa
solummodo opera nostra digna esse divina suscep-
tione credimus, quia sanctorum prædicatorum ju-
dicio comprobantur. Et quia coram Prophetam im-
molare dicitur, hoc profecto signat: quia operibus
nostris sapientibus atque spiritualibus viris credere
debemus. Quia item septem diebus expectat Saul,
prædicator sanctæ Ecclesiæ virtutem subiecti disponere
sapienter debet; ut coram eo bona ejus non laudet nisi
quando laudis sua contempnere favorem pos-
tetur. Unde & eadem oblatio, & victimæ Deo offerri
a Saul prædicuntur, & non sibi. Deo quippe victimas
offert, qui de virtute, quam habet, inaniter non ex-
tollit, sed omne, quod perficit, gratia tribuit con-
ditoris. Hoc etiam, quia doctorum magisterio disci-
mus, bene Samuel sermonem concludens, ait: [Et
ostendam tibi, que facias.] Expectanti quidem qua-
faciat, indicat: quando is, qui perfectè obediens con-
gnoscitur, qualiter imperare aliis debeat, edocetur.
Sed istud Saul adhuc non exhibetur, sed promittitur.
Non enim mittitur ad immolandum, sed ad expe-
ctandum. Et quia sanctorum colloquione profici-
mus, aptè illatum est:

*Itaque, cum avertisset humerum suum, ut
abiret a Samuele, immutavit et Deus cor
aliud.*

Cor enim aliud immutatur, quando ad appeten-
da meliora dirigitur: cor etiam immutatur, quando

ad malum deseritur. In Saül autem, qui prius bonus,
postea malus fuit, quo modo potius intelligi ad lit-
teram debeat, non valde clarum est. Sed si pro pro-
fectu ejus dicitur, cor immutatum habebat: quia
qui alios quæserat, jam de regni dispositione co-
gitabat. Si vero malum cor tunc recepsisse cognoscitur,
coram Propheta humilis fuit: sed ut cœpit dif-
fondere, pariter cœpit & superbire. In mente sua jam
non esse parvulum, sed regem cogitabat. Adhuc non
erat sublimis ordine, sed erat sublimis estimatione.
Sed quia per hanc sacram historiam adhuc de ejus
superbia aperte nihil dicitur, rectius nos quoque agi-
mus, si interim, quod de eo sinistrum videri potest,
reticemus. Quod vero adhuc manenti ejus innocetie
susfragari potest, in sequentibus dicitur: *Quia filius infra 13
annus annis erat Saul, cum regnare cœpisset, & duo
bus annis regnavit super Israel.* Si enim duobus an-
nis humilis rex fuit, immutatum ei cor asseritur,
pro vigore propositi, non pro novitate tumoris. In
eo ergo, quod immutatum cor Saül habere dicitur,
novis prædicatoribus sanctæ Ecclesiæ similitur: qui
cum ordinem prædicationis accipiunt, per divinam
gratiam meliores sunt. Samuel quippe Saül in prin-
cipem vinxit, Deus autem ei cor aliud immutavit:
quia sacramentorum ordinum sacramenta ab Ecclesiæ do-
ctoribus foris accipimus, sed sacramentorum virtute
ab omnipotente Deo interiori roboramus. Virtus ve-
ro sacramenti gratia est spiritus septiformis. Quam
certè gratiam, qui accipiunt, quasi allo accepto cor-
de immutantur: quia quos gratia suâ sanctus Spiritus
roborat, esse eos facit protinus, quod non erant.
Sic nimirum & Redemptoris discipuli ante metue-
bant; sed ubi per adventum sancti Spiritus cor
aliud eis immutatum est, verbum Dei cum fidu-
cia prædicabant. Aliud quippe cor eis immu-
tavit, quibus linguarum omnium peritiam tri-
buit. Aliud quippe cor eis immutavit, quos mira
charitate induit, & virtutum omnium splendoribus
illustravit. Et notandum, quia tunc ei Deus
cor aliud immutavit, quando, ut abiret a Propheta,
humerus avertit. Quasi enim ut abeat, hume-
rum avertit, quando is, qui prædicationis ordinem
suscepit, id, quod sibi de pastorali officio præcipitur,
agere disponit. Disponit quidem, sed non prævalet, si
Deus ei cor aliud non immutet: quia summus locus
bene non regitur, nisi rectoris mens divini munera
summa gratia repleatur. Hæc autem, quia ei in fu-
turo promittitur, subiunctum est:

Et venerunt ei omnia signa hec in die illa.

Doctrina etenim electi prædicatoris, quid est
aliud, quam dies eruditii discipuli? Nam qui in die
ambulat, videt & plana, quæ ambulet, & præcipia-
ta, quæ declinet. Sic nimirum, dum sanctorum
prædicatorum doctrinis illuminamur, quod agen-
dum, & quod vitandum est, patenter aspicimus. In
illa ergo die qua Propheta prædicat, bonus auditor
sue electionis signa percipit, qui in se ea virtutum dona
conspicit, quæ ante ei affutura suis prædicator
ostendit. Signa quidem sunt: quia per hæc se a Deo
electos intelligent, qui ad prædicationis ordinem
promoventur. Unde ergo se aliquis ad Ecclesiæ
principatum non teneat, qui dici illius signa adesse
non viderit in virtute perfectionis. Primum ergo si-
gnum prius attente conspicat; videlicet si exemplo
virorum salire jam magnas foveas sciat. Sequens e-
tiam signum cognoscat; si ad querum Thabor tres
viros obvios habuit, quos hædos, & panis tortas
portare in Bethel ad domum Domini vident; si panes
duos decorum manibus acceptit. Terrium nihilominus
videat, si ad collem Domini venit; si propheta-
tantes cuneos aspexit; si in eum spiritus Domini insi-
livit, & in eorum medio prophetare jam possit.
Et viros quidem salientes foveas vident, si perfecto-
rum exemplo omnia seculi confutare jam didicit.

Ad quem Thabor venit, si contemplativa vita fortitudinem, atque amoenitatem experiri jam non vit. In qua & hædos, & panis tortas, & vinum ad Dominum portantes aspergit: quia ab amatib[us] vita contemplativa jam didicit, & peccatorem se indefinenter agnoscere, & pro c[on]fessione peccatis carnem affligere, & afflictionis suæ dolorem omnipotenti Deo grater offere. Ad collem Domini venit, si ad revelatam intimam Redemptoris gloriam, aut scripturarum sublimem intellectum proficiendo concidit. Obvium gregem Prophetarum habuit, si prædicatorum sanctæ Ecclesie concordem scientiam intellexit. In quorum medio insilientem in se spiritum Domini sensit, in illa ineffabili suavitate interna experientia in se donum supervenientis divinitatis agnoscere, & nota gratia abundantiam loquendo effudit. Hæc quoties sancti prædicatores imperfecti nobis ostendunt, per doctrinam, qua nos illuminant, quasi clarissimum diem produnt. Et ista quidem omnia jam promoti prædicatores, exponentibus ordinatoribus, sciunt. Quia ergo diem signorum habent, salubriter attendunt, si promissa signa jam videant. Nam qui mundi gloriam contemnere nondum didic[erunt], primum signum audire promissum potuit, sed non videt ostensum. Si contemplativa vita robur, & dulcedinem nescit, sequentis signi bonum videre non meruit. Si altitudinem scripturarum per intimæ eruditionis notitiam non concidit, ad collem Domini nondum venit. Si supervenientis in se Spiritus sancti virtutem nondum haber, prophetare non potest. Sine illo etenim spiritu pastor carnis est, & quod loquitur, non ad dignitatem prædicationis referri potest, sed ad ausum temeritatis. Quia ergo formidine nos miseri terri possimus? Ecce enim aliorum ducatum suscepimus, qui virtutem suscepimus regiminis non habemus. Signa spiritualis prælationis audiimus, qua in nobis per lucem experientia non vides. Terrena concupiscentia, curis exterioribus occupamus, & tandem longius à celesti contemplatione repellimur, quæ terrenorum actuum sollicitudine prægravamur. Hac quoque terrena vita mole depressi, quando illum splendorem intimæ gloria Redemptoris attingere, quando ad altissimos sanctuarum scripturarum sensus possimus pervenire? Sed & celestia, quæ nescimus, loqui quasi nota non possumus. Et qui per quietem amori internæ vite vacare nolumus, insilientem in nos spiritum Domini non sentimus. Nota ergo & non habita signa nos terrent: ut cum pro negligencia nostra immensitate compungimur, virtutem suscepimus ordinis per fletus, & lamenta requiramus. Hinc Psalmista voce infirmorum deplorat, dicens: *Signa nostra non vidimus, jam non est Propheta.* Nam Propheta est, cum jam dicta hac prædicta signa ei adesse prævidentur. Si ergo ad culmen prælationis assumitur, non fe[n]teat, quod est altitudine ordinis, sed quod est virtute perfectionis. Dicat ergo: *Signa nostra non vidimus, jam non est Propheta.* Quasi dicat: Esse nunc Prophetam dicerem, si dona spiritus cernerem, quibus Prophete persona fulgere debet. Qui ergo suscepti ordinis pastoralis perfectionem audivit, quam in se obtinere vivendo non meruit, idoneus sanctæ Ecclesie doct[or] non est. In primo igit[ur] rege, pastorum omnium sanctæ Ecclesie profectus ostenditur, dum dicitur: *Venerunt ei omnia signa haec in die illa.* Et quia idem profectus electorum prædicatorum mirabilis est, sequitur:

Videntes autem eum, qui noverant eum heri, & nudiustertius, quod esset cum prophetis, & prophetaret, dixerunt ad invicem: Quam res est, que accidit filio Cis? Num Saül inter prophetas?

S. Greg. Tom. III.

Quid est, quod dicunt: [*Quam res est, que accidit?*] nisi valde admirari, quod ab eis non poterat comprehendendi? Hominem hominis filium noverant, prophetis sociatum videbant, carnalem noverant, spirituale videbant; simplicem noverant, Prophetam videbant. Dicunt ergo: [*Quam res accidit filio Cis?*] qui nosse quod fuerat, poterant: quod erat, qualiter esse posset, ignorabant. Hic denique profectus spiritualis prædicatoris est, ut qui in communione vita aliquando notus est, in superiori ordine habeat, quod ignoretur. Tres quidem gradus perfectionis ostensi sunt, quia dicit: [*H[ab]er, & nudiustertius.*] In duobus quidem diebus prædicator agnoscitur, in tertio habet, quod etiam iij, qui noverant, non cognoscant. Primus namque dies auditoribus pertinet, secundus sodalibus, tertius est prædicationis. Primum namque diem paſtor habuit, quando prælati suis discipulis obedivit. Quasi enim in magna luce cernitur, qui in virtute obedientiae devotus est. Secundum diem habuit, quando meliorum coadjutorum esse jam cœpit. Ista quippe claritas magna conversationis, in electorum exemplo maximum diem facit. Hanc diem Dominus insinuans, ait: *Sic luceat lux vestra coram hominibus, ut videant vestra bona opera, & glorificant Patrem vestrum, qui in celis est.* Mart. 5.
Tertius vero dies insilientis spiritus est, & proprie[te]t. In tertio quippe die paſtor aspicitur, quando sublimitatem dignitatis sua ad aquat splendore conversationis, quando cœlesti virtute induitus, ea vita, eaque doctrina subditis lucet, ut videri ab eis possit, discuti, & judicari non possit. Talis quidem erat Moyses, quando lucidissimo vultu à monte descendit, cuius subditu fulgore videbant, sed in fulgentem claritatem intendere vifum non poterant. Talis erat, qui gloriabantur, dicens: *Nos autem revelata facie gloriam Dei speculantes, in eandem imaginem transformamur, tamquam à Domini spiritu.* Tales uique erant, quos Spiritus sanctus repleverat. Unde & qui in Hierusalem convenerant, admirantes dicunt: *Nonne ipsis, qui loquuntur, Galilai sunt?* Interrogabant quippe, ut scirent, quod audiebant, & scire non poterant. Qui autem noverant Saül, de re, quæ ei accidit, admirantes interrogant: quia eos aliquando in humiliori ordine sanctæ Ecclesie humiles, & despiciens cernimus, quos dum sanctus Spiritus ad ordinem prædicationis affluit, gloriantur suarum splendoribus induit, & in eisdem splendoribus mirabiles ostendit. Sed bene sanctorum virtutes admiramur, cum eas bonitati conditoris adscribimus. Quare & Moyses Domino confitens, ait: *Quis similis tibi in diis Domine, quis similis tibi gloriatus in sanctis, mirabilis in maiestate, faciens prodigia?* Hinc Psalmista dicit: *Mirabilis Deus in sanctis suis, ipse dabit virtutem & fortitudinem plebi sue.* Bene subiungitur:

Respondit alter ad alterum, dicens: Et quis pater eorum?

E Quid est, quod hucusque de solo Saül dicebatur: [*Quam res accidit filio Cis?*] Et nunc, quasi de multis responderetur: [*Et quis pater eorum?*] Sed si ad historiam intelligatur, stare nullo modo potest. Restat ergo, ut sensus, qui litteræ demittit, in spirituali significatione requiratur. Cum ergo dicitur: [*Quis pater eorum?*] Non solum Saül prophetans attenditur, sed omnis ille cœnus prophetarum. Qui nimis prophetæ omnes, quia valde spirituales erant, non ex carnali progenie, sed ex cœlesti origine censebantur. Pater quidem prophetarum ille est, qui per Malachiam exquirit, dicens: *Si Dominus sum, ubi est timor meus? Et si pater sum, ubi est amor meus?* Quia enim omnipotenti Deo in magna charitate conjuncti sunt, ejus, quem quasi patrem diligunt, filii nominantur. Quod novæ Ecclesiæ

P. ij

prædicatoribus tantò decentiù convenit, quantò A ille eos in cœlestem nobilitatem altius extulit, qui eis claritatem tanti generis in forma detexit orationis.
MAT.6.6. Sic, inquit, orabitis: *Pater noster qui es in celis,*
Quod tale est, ac si dicat: Mirandi essent sancti præ-
dicatores, si mira quæ agunt, sua virtute perficerent:
nunc mirum non est, quod cernitur; quia per eos ille
Mat.10. *hoc agit, cui aliquid difficile non videret. Dicat ergo alter ad alterum: [Et quis pater eorum?]* Quasi dicit: *Quid mirum est, si mirabiliter doceant, cum non ipsi sint, qui loquuntur: sed spiritus patris eo-*
c. *rum, qui loquitur in eis? Non ergo dicitur: Quis pater ejus?* Ne, quod pluribus convenit filiis, unicò conferatur. *Solus etenim ille, qui natura filius*
Ioan.5.6. *est, dicere audet: Pater meus usque modo operatur.*
Psal.2.6. Et item: *Dominus dixit ad me, Filius meus es tu, ego bodie genui te.* Nam ut utriusque dignitatis differentiam promeret, Maria Magdalena loquitur,
Ioan.20. dicens: *Ascendo ad Patrem meum, & Patrem vestrum, Deum meum, & Deum vestrum.* Quoties ergo unus prædicator mirabili vita, aut prædicatione clars apicitur, in superna generatione non solus, sed cum aliis innumeris videatur: quia omnipotens Deus, qui mirabilis in uno ostenditur, mirabiliorē valde hominum admirationem facit, cùm innumerabiles attenduntur, qui id, quod in uno mirantur, habuerunt. Quod tamen ad detractionem carnalium referri convenienter potest: nam cùm spiritualium virorum famam minorem tentant, eorum carnalia explorant, que ad derogationem profert. Et plerunque in sancta Ecclesia miram sanctitatis famam habent, qui sœculare altitudinem nullam habent. Cùm ergo carnales quique, aut carnis originem aut paupertatem in eis reprehendunt, qui divina generatione jam magni & divites sunt, quasi subsannando de prophetarum patre feceruntur. Et quia pro re valde nova habent, quod parvi homines sœculi tam magni videri possunt, subjuguntur:

Propterea versum est in proverbium: Num Saül inter prophetas?

Quod nimur si oculis cordis inspicterent, pro nova re non haberent. More etenim suo agit Spiritus sanctus, cùm ad virtutum culmen pauperes, humiles atque simplices erigit. Nam de eo scriptum est: *Qui ponit humiles in sublimem, & marentes erigit subspitate.* Hinc omnipotens Pater de eodem omnipotente suo Spiritu per Prophetam dicit: *Sicut per quem requiescit spiritus meus, nisi super humiliem, & quietum, & trementem sermones meos?* Hinc Paulus ait: *Non multi sapientes secundum carnem, non multi nobiles, sed quæ stulta sunt mundi elegit Deus, ut confundat fortia: & ignorabili mundi elegit Deus, ut ea, quæ sunt, destrueret, ut non glorieatur omnis caro in conspectu ejus.* Quod certè proverbium etiam elec̄tis adscribi potest. Non enim minor admiratio habita est de beato Paulo Apostolo, quando auditum est ab Ecclesia: quia ille evangelizaret, qui Ecclesiam minando, & cædendo expugnare solebat, nunc prædicando defenderet. Tunc quidem ij, qui audiebant, dicere poterant: Num Saulus inter Apostolos? Numquid ille Jesum prædicat, qui Jesum persecuti solebat? Sed hoc jam in electorum proverbium versum est. Proverbium quidem est, quando in eo, quod dicitur, aliud occultatur. *Conversio autem beati Pauli Apostoli, facta est proverbium peccatoris.* Audiat ergo unusquisque peccator beati Pauli conversionem, & non desperet de criminum multitudine. Saulus enim spirans minarum, & cædis in discipulos Domini, ubique elec̄tos affligebat, lapidantium protomartyrem Stephanum vestimenta servabat, & velut omnium manibus lapidabat, qui expeditos ad lapidandum omnes

A reddebat. Sed qui talis extitit Christum persequens, ad Christum conversus, caput effectus est nationum: quia obtinuit totius Ecclesie principatum. Dum ergo tam magnum peccatorum conversum, tam sublimi dignitate à Domino honoratum conspicimus, peccatorum nostrorum invenire nos posse remissionem presumamus. Proverbium ergo nostrū id est, quod ad evagelizandum persecutor assumitur, quod hoc mysterium continet: quia conversus peccator non solum sperare à Domino veniam, sed quod viriliter certando pertingere valeat ad coronam. Sed hoc distare inter carnales, & spirituales prædicatores solet: quia carnales post alta verba prædicationis, ad ima descendunt pravi operis: spirituales verò post sublimia, qua loquuntur, in aliorum valde cœlestis patrie desideria se sustellunt. Unde & subditur.

Cessavit autem propheta, et venit ad ex-celsum.

Ad excelsum post prophetia ministerium venit, qui ad cœlestia gaudia, qua prædicat, mentem erigit: & ad ea amando se sublevat, qua loquendo monstrat. Doctores quidem cum minoribus plana prædicant, cùm eis, quasi in plano sunt. Et quia post verba prædicationis ad promerenda ea, qua prædicant, se bonis operibus præparant, ad excelsum venire perhibentur. Qui certè sublimes verbo & opere sunt, cogitatione elationis non sunt. Magna quidem semper agunt, sed magni videri numquam appetunt. Bene ergo subjuguntur:

Dixit autem paterus Saül ad eum, et ad puerum ejus: Quo abiisti? Qui responderet: Quarere asinas, quas cum non reperiſsemus, venimus ad Samuelem. Et dixit ei paterus suus: Indica mihi, quid dixerit Samuel. Et ait Saül ad patruum suum: Indicavit nobis, quia invente sunt asine. Sermonem autem regni non indicavit ei, quem locutus ei Samuel fuerat.

Sermo regni est honorabilis dignitas pastoralis: Ipsa enim representatione sua loquitur: quia paterus non est, qui tanto ordine sublimatur. Verbum ergo regni rex non indicat: quia pastor Ecclesie magno divinitatis splendore loquitur, sed elatione non loquitur. Qui verò verbum non indicat, illud celat quod loquitur. Verbum enim semper loquitur, cui verbum est, alioquin verbum non est. Verbum ergo regni habet, qui ea conversatione fulget, qua exempla cœlestis itineris aliis quasi loquendo præbet. Verbum ergo non indicat, qui magnitudinem sanctitatis per vanam gloriam non revelat. Habet quidem quod indicet, sed quod per se ipsum ostenditur, indicare non vult. Nam qui magna dignitate, magnaque sanctitatem radiat, multa vivendo ostendit, qua loquendo non dicit. Hoc profectè regni verbum habere Dominus prædicator f voluit, quando in ueste Pontificis tintinnabula ponni mandavit. Vests quidem Pontificis est ostensio bonæ conversationis. Quia quasi tintinnabulis multis inseritur, quando opera bona multiplicat, quæ ad minorum exemplum clamant. Sed indicare rex regni verbum non audet: quia præceptum est lacerdotibus, ut coram Domino uestis decorum portent. Coram Domino quidem uestis decorum portat, & qui bona ostendit, & de ostensione bonorum operum non hominibus per vanitatem foris, sed Deo intus per amorem placere appetit. Tunc certè sacerdos rater, sed dum incedit, quod portat clamat; quia elec̄tus prædicator se jactando non in-

dicat, sed bene vivendo loqui nequaquam cessat. A Dicatur ergo de Saül, quia patruo suo sermonem regni non indicavit: quia electi viri, cùm splendore dignitatis, aut bona vita incrementa percipiunt, per exempla se proferunt, sed silentio occultant. Et quia aliis electis se esse meritos minores credunt, ille, cui sermonem non indicat, ejus patruus esse dicitur. Patruus quippe dicitur frater patri. Redemptor autem generis humani quotquot fidei sue & doctrinae sacramentis institui, ad immarcescibilem æternæ hereditatis glorian tot filios facit. Qui enim instituantur in Ecclesia, quasi parvuli adhuc filii sunt. Sed, qui magnis meritis ei jam in virum perfectum occurrit, frater est Redemptoris. Tales nimurum beatus Paulus Apostolus collaudans, ait: *Heredes Dei, coheredes Christi.* Quia ergo perfecti predicatori electos alios perfectos tenent, & se imperfatos, patruus Saül dicitur, qui de regni sermone eum interrogasse perhibetur. Eundem verò regni sermonem Saül Samuel dixerat: quia electi viri spirituali conversationem, quam habent, majorum locutione didicrerunt. Sed rex, qui initatus per unctiōnem fuerat, à populo adhuc electus non erat. Unde & sequitur:

Vocavit Samuel populum ad Dominum in Massphath.

Masphath, ut dixi, speculatio interpretatur. In ordinatione autem regis populus in Masphath vocatur: quia qui ad ordinandum sanctæ Ecclesie pastorem convenient, ejus spiritualia, non carnalia attendere docentur. Speculari quidem est, per formam sacrae Scripturae ordinandum predicatore cognoscere. Nam electorum speculum sacra Scriptura est. Quasi enim per speculum noscitur pastor, quando moribus talis ostenditur, qualis in sacro eloquio predicatur. Bene igitur Samuel populum in Masphath convocat, ut electio boni antistitis non sit humano iudicio, sed divino: cùm non talis eligitur, qualis hominum arbitrio decerni potest, sed qualis in sacro eloquio declaratur. Quod quia divini munera est, oportet, ut populus, qui à Deo tam magna expectare cognoscitur, à reatu suo per pœnitentia satisfactionem purgetur. Ipsa autem cognitio peccati, est preparatio divini munera: quia sipe cùm nos divino munere indignos creditimus, id per humilitatem promeremur. Unde & Samuel eos, qui ad excipiem D dum regem convenerant, prius ad peccatorum suorum considerationem convertere satagit: quia subiunctum est.

Et ait Samuel ad filios Israel: Hæc dicit Dominus Deus Israel: Ego eduxi Israel de Aegypto, & erui vos de manu omnium regum, qui affligebant vos. Vos autem hodie projecisti Dominum Deum vestrum, qui solus salvavit vos de univeris malis & tribulationibus vestris, et dixistis: Ne quaquam, sed rex erit super nos.

Attentè quidem ostendit eis & bona, quæ eis impedit Dominus, & mala, quæ Domino fecerunt ipsi: ut tantò gravius se delinquere cognoscerent, quanto illum peccando offendere ausi sunt, à quo tanta bona percepérant. Quid verò sit abjecere Dominum, & qualiter secundum litteram & secundum spiritualem sensum intelligi debeat, superius late expositum est, ubi ad Samuelem Dominus ait: *Non te abjecerunt, sed me, juxta omnia opera sua, quæ fecerunt à die, quæ eduxi eos de terra Aegypti.* Sed quia sancti predicatori eos, quos arguendo compungunt, docendo instruunt, subintulit, dicens:

Nunc ergo state coram Domino per tribus, et

familias vestras.

Coram Domino quidem stare præcipimur, quando majorum præcepto corda nostra ad sciendā ejus mandata præparamus. Vel coram Domino stant electi, quando à summis viris in spiritualibus virtutibus considerantur: ut qui melior in eis aspiciatur, per pastoralem curam ceteris præferatur. Et quia plures sunt fidelium ordines, per tribus & familias stare coram Domino jubentur. Quod profectò latius exquens, subdit, dicens:

Et applicuit Samuel omnes tribus Israel, et cecidit fors super tribum Benjamin, et applicuit tribum Benjamin et cognationes eius, et cecidit cognatio Metri, et pervenit usque ad filium Cis.

Stare omnes per tribus, & familias fecit; ut omnes consideraret, & consideratis omnibus utiliorem eligeret. Sed quia ipse jam, Domino revelante, regem cognoverat, eumque ipso præcipiente, in principem unixerat: quid est, quid adhuc eligendum per tribus & familias queritur? sed inventus rex à solo Prophetā erat. Inventus ergo queritur, ut non inventus à populo, inveniatur. Sorte etiam queritur; ut cum, quem Prophetā eligeret, dispensatione divina provisum populus non posset dubitare. Quid ergo in hoc factō signatur, nisi quia sanctæ Ecclesie principes multa consideratione eligendi sunt? Summi etenim prædicatori, ex interna gratia sancti Spiritus, quam habent, magno providentia lumine pleni sunt. Et quia valde sunt humiles, de internæ illuminationis sue magnitudine non præsumunt. Quare & ea, quæ apud se bene ordinant, coram aliis probant. Solus enim Prophetā regem futurum nescit, quando summus sanctæ Ecclesie rector personam ordinandi rectoris, & merita conspicit. Quem etiam in principem unxit, quando eum donis spiritualibus plenum assent. Tamen adhuc populum convocat, per tribus, & cognationes dividit, fortis ponit, & eum, quem novit, quasi per artem invenit. Tribus quidem, & familia quasi divisa stant, quando in statu virtutum diversi sanctæ Ecclesie ordines attenduntur. Nam cùm perfectiones electorum plures intuemur, cùm candorem virginum, cùm robur continentium, cùm honeste ministeria clericorum, cùm monachorum sollicitudinem videmus, velur stantes tribus attendimus. Et quia in Dei servitio horum multa varietas est, dum ea, que sunt in singulis ordinibus, item varietates aspicimus, quasi stantes non solum tribus, sed etiam cognationes videmus. Et fors super tribum cadit: quia meliores viri sapientia in uno ordine, quam in alio inveniuntur. Nam velut fortem tribus accipit, quando ij, qui perfectiores sunt aliis, convenire videntur ministerio prædicacionis. Sed non super personam adhuc, sed super tribum fors cadit, quando plures sunt, in quibus persona digna reconditur. Adhuc itaque summis viris remanet, quod inquirant. Bene ergo fors super tribum Benjamin cecidisse dicitur: Samuel autem ipsam tribum, & ejus cognationes applicauit, & ad Cis filium pervenisse: quia electi & summi viri sanctæ Ecclesie considerate virtutes singulorum non definunt, donec ad eum veniant, qui ministerij pastoralis forte dignus inveniatur. Sed qui digni sunt, onus tanti ordinis suscipere vehementer expavescunt. Unde & sequitur:

Quasierunt ergo eum, & non invenerunt, et consuluerunt pro eo Dominum, utrumnam venturus esset illuc. Responditque Dominus: Ecce absconditus est domi.

Abscondunt quippe se, ne inveniantur: quia subire dignitatem refugunt, cuius oneri se esse impa-

res arbitrantur. Habet quippe spiritualis prelatio exteriorem gloriam dignitatis, habet & interioris magnitudinem operis. Nam rex & honoratur à subditis, & porrat eos, à quibus honoratur. Cum honoris ergo principio causa nascitur oneris: quia unde honor à rectoro excipitur, inde illud suscipit, quo gravetur. Quamquam ipse honor dignitatis per seipsum magnum sit onus mentis: quia contemni debet, & placet. Contemni quidem debet, ne mentem per superbiam eleverit: & suscipi debet, ut cælestia, qua docto loquitur, subiecti venerentur. Gravius ergo onus de honore nascitur: quia electus pastor magna animi virtute ferre potest, ut despiciat illum in se, quod pro Deo recipit in se: ut videlicet talis pro Deo sit, sed sibi talis non sit, & semetipsum abneget, & non abneget: ut sit quod est pro Deo, & quod est pro semetipso, non sit. Honor itaque oblatus à subiecto suscipitur, ut prædicatio commendetur. Honorem quoque oblatum prædicator despicit: quia non extollitur, quod honoratur, sed gaudet, quod verbi Dei ministerium commendetur. Hoc autem quādū difficilē agatur, cogitando melius, quādū loquendo comprehenditur. Nam infirmis mentibus impossibile est onus aliorum fortiter ferre, & oblati honoris reverentiam mentis virtute disponere; ut inter ejusdem honoris obsequia, de profectu subditorum gaudere sciat, & pro reverentia sua tumere nesciat. Quia ergo electi viri exterioribus se sanctæ Ecclesiæ ministeriis subtrahunt, sed tamen ad exteriora ministeria disponenda, Domino dispensante, producuntur. Quia verò nunc in sancta Ecclesia, qui se subtrahant tantis honoribus, pauci sunt, qui se ingerant, multi; notare, qui se ingerunt, debent: quia is, qui à Propheta domi abconditus dicitur, non ad spiritualem Ecclesiæ dignitatem, sed ad secularem regni gloriam quærebatur. Non enim in pontificem hunc quærebant, sed regem facere volabant. Videat ergo sacerdos, qua mente fugiendum sit culmen sanctæ Ecclesiæ, si culmen seculi consenserit, tam caute reges fugere. Sed, quia sancti viri, quod instantiū suscipere ordinem prælationis refugiunt, à devotis plebis devotiū requiruntur, sequitur:

Concurrerunt, & tulerunt eum inde.

Post hæc etiam subditur:

Stetitque in medio populi.

In medio populi stat prælator, quando ab universis subditis ejus fortitudo conspicitur. Stare namque virtutis est. Qui ergo bona operatur, instanter stat. Et quia eadem bona opera exemplum minoribus præstant, in medio populi stare, non in soliditudine cernitur. Quod etiam pro rectitudine intentionis dictum est, convenienter accipitur. Qui enim stat rectitudine corporis, caput in sublime tollit. Qui verò bona publicè agit, non stat fortitudine operis, si rectitudinem non habet intentionis. In medio ergo populi stare rex dicitur, ut Prælatorum sanctæ Ecclesiæ forma monstretur: quia ad exemplum subditorum bona opera debent ostendere; sed de eodem bono opere suscipere mundi gloriam devitare. Sed & quantus appareat debet, subdit, atque ait:

Et altior erat omni populo ab humero et sursum.

Latè suprà ostendimus, quod excellens magnitudo corporis in sanctis prædicatoribus designet aug-

A mentum perfectionis. In medio ergo populi sublimis aspicitur, qui in virtutum culmine positus, à subditis non nescitur. Rectus quidem ordo electi prædicatoris est, ut, ante sublimitatem ecclesiastici culminis, culmen condescendat virtutis, pro honore Dei culmen obtineat gloria, sed majori sublimitate fulgeat, revelata virtutum perfectione. Talis quidem pastor à perfectis viris valde prædicandus est, à minoribus cupiendus atque diligendus. Bene ergo subjunctum est: *Et ait ad omnem populum: Certè videtis, quem elegit Dominus, quid non sit ei similis in omni populo.*]

Et clamavit cunctus populus: Vivat rex.

Sequitur:

B *Locutus est Samuel ad populum legem regni, et scripsit in libro, et posuit coram Domino.*

De jure regio, quia latè superiùs diximus, hoc tantum de illo memoramus: quia ad historiam non præcipitur, sed ostenditur, quid acturi sint reges reprobri, quid vitaturi sint boni. A regibus quidem defendendi sunt subditi, non bonis propriis spoliandi. Auxilium præstare subiectis debent, agros, vienes, & olivetum auferre non debent. Quod si non visitanda, sed agenda scripta hæc contendere quis voluerit, tyrannorum jus pro eo rege scribitur, qui abjecto Domino, postulatur. Crudelis ergo lex regni, ultio est Dominum abjicentes populi. Non enim in iustum erat, ut agros, & vinas perderet, qui regnante super se Dominum sponte perdebat. Cuncta ergo, quæ contra aequitatem in hoc jure regio continentur, aquæ esse cernimus: si in petendo rege quidquid populus deliquerat, consideramus. Nam quod magnum in divina aequitatis examine onus legis est, si filios & filias in regis opere inviti ponenter, quos à Dei libertate sponte tulissent? Et quid inconveniens esse cernitur, si quod ad ultimum ponitur, ipsi fierent servi hominum, qui abjicabant super se regnante Deum? Dum ergo regni lex scribitur, perpetua memoria pœna traditur, qua audaces puniantur: que quia per Domini justitiam lata fuerat, coram Domino reponi perhibetur. Sed fortasse jus illud aliud fuit, quādū lex ista, quæ scribitur. Quod si verum est, hanc Samuel coram rege ad populum loquitur, ut rex sciat à populo quid exquirat: sciat populus quid exhibere suis regibus debeat. Quæ lex in libro scribitur, ut pro futurorum memoria referatur. Coram Domino ponitur, ut venerabilis habeatur. Nos autem reges ecclesiarum esse sanctos prædicatores diximus, quibus aperte omnia convenire ostendimus, qua jure regio continentur. Hanc ergo legem Samuel ad populum loquitur, quando electus docto fideles sanctæ Ecclesiæ instruit, qua humilitate suis præpositis debeat subjugari. In libro etiam scribitur, quando in eorum mente hæc firmiter inserit. Nam qui sic loquitur, ut auditio auditoris ejus oblivia cantur, ad populum legem dicit, sed hanc in libro non scribit. Verba ergo, quæ docto loquitur, in libro scribere, est auditorum suorum mentibus attente commendare. Quasi scriberet volebat Dominus, quæ dixerat, quando dicebat: *Memento sermonis mei, quem ego dixi vobis. Non est cœrus major Domino suo.* Hinc Paulus locutam regni legem in libro describens, ait: *Memento præpositorum vestrorum, qui vobis locuti sunt verbum Dei, quorum intuentis exitum conversationis, imitamini fidem.* Si verò & hic aliam legem quis esse præfignatam accipere voluerit, illam aspiciat, quam beatus Paulus ostendit, dicens: *Qui evangelium annunciat, de evangelio vivat: & qui altario seruit, de altario b. vivat.* Hanc quippe legem regni Dominus loquebatur ad populum, quando dicebat: *Qui recipit pro Mat. 10. prophetam in nomine prophetæ, mercedem prophetæ acci- d.*

Ibid. piet: & qui recipit iustum in nomine justi, mercedem justi accipiet. Et ut arctius hanc in libro descreberet, à minori verbum roborans, ait: *Qui dederit uni ex minimis meis calicem aqua frigida tantum in nomine discipuli, non perdet mercedem suam.* Sequitur:

Dimisit Samuel omnem populum, singulos in domum suam, sed Saul abiit in domum suam in Gabaa, et abiit cum eo pars exercitus, quorum tetigit Deus corda. Filii vero Belial dixerunt: Numquid salvare nos poterit iste? Et despicerunt eum.

Si simplex historia quaeritur, quid umquam plaus dici potuit? Sed si vim verborum singulorum attendimus, magna sunt, quae in hac simplicitate verborum clauduntur. Nam populus in domum suam dimissus assertur, rex autem in domum non esse dimissus, sed abiisse peribetur. Separatim quoque de domibus populi, & de domo regis dicitur: quia populus refertur dimissus in domum suam, & rex abiisse in suam. Prius tamen populus dimissus est, quam abiret rex. De abeunt etiam populo cautele signatur, & non simul, sed singuli abiisse in domum suam referuntur. De his verbis, qui regem sequuntur, eorum corda a Deo tacta referuntur: qui regem spernunt, Belial filij nominantur. Hic profecto modus dicendi non simplex, sed valde ei subtilis est, qui considerare novit, non quod simpliciter foris sonat, sed quod sapienter intus insinuat. Quid est ergo, quid rex in domum suam abire, populus vero dimitti dicitur? Sed regem, Ecclesia pastorem, populos, subjectos designare ostendimus. Ite autem liberi est, dimittit ejus, qui retineri potest. Rex ergo abire dicitur, ut in persona predicatoris libertas animi praedicetur. Abire quippe doctores possunt, cum volunt, & redire: quia fortis sunt in bono opere, sapientes in interna dispositione. Veniunt quippe, quando ad subditos exunt, aut exemplo boni operis, aut verbo prædicationis. Abeunt autem, quando ad mentis secretum redeunt, & quod foris acturi sunt, intus disponunt. In qua nimirum consideratione, quia quotidie permanent, quasi intra domum latent. Abire ergo in domum suam rex dicitur: quia prædictor æternæ vitæ operationis probatus, sapientia doctrinæ securus, liber ad opera potest egredi, & ad consilia mentis intrare. Populus autem in domum suam dimittitur: quia fideles subjecti non sunt liberi ad disponenda, que volunt, sed ad ea, quæ jubentur. Quasi terti quidem dimittuntur, dum iussa præcipiuntur agere: præsumere non iussa, devitare. Et quia ad opera diversa mittuntur in suam domum eorum unusquisque dimittitur. Ut enim ea, que nobis præcipiant, bene perficiamus, priusquam appareamus in opere, intus recomdimur in interna consideratione. Reges ergo nostri nos singulos in domum nostram dimittunt: quia ad ea, que nobis injungunt, nos per secretam mentis dispositionem ite præcipiant. Bene quidem ipsi præcipiunt, sed si operationis nostra modum negligimus prævidere, quæ bene præcepta sunt, inconsulta mente dissipamus. Singuli ergo in domum suam redeunt, quando unusquisque fidelis subditus opus obedientia, quod proponit, consilio mentis disponendo prævenit. Quia vero, electo rege, in domum suam ante populus dimissus, quam rex abiisse assertur, potest in hoc aliud designari. Qui enim regem excipiunt, in domum suam vadunt, quando se unusquisque subjectus considerando præparat, ut ei, quem præesse habi periit, fidelem obedientiam impendat. In hoc ergo loco non est imperata considerare, sed imperandis infima se dispositione substernere. Regi quoque in

A domum suam abire, est, ut discrete paratis imperet, considerare. Alia ergo est domus regis, alia populi subjecti: quia alta illi mente subditorum itinera disponenda considerant, isti prælatorum imperia executi per intimi propositi robur parant. Unde & dominus regis in Gabaa sita perhibetur. Gabaa quippe sublimis dicitur. Domus ergo regis in Gabaa esse ostenditur: quia electus doctor non ima, & terrena cogitando incolere, sed alta & caelestia meditari studet. Unde & bene pars exercitus cum eo ire in Gabaa dicitur: quia hi, qui contra diabolum fortes sunt, electum pastorem suum ad virtutum alta prosequuntur. Pars ergo exercitus ire cum rege dicitur: quia in sancta Ecclesia plerique fideles sunt, qui prælati suis humiliter obedire sciant, alta cogitare nesciunt. Sciant quidem imperata perficere, nesciunt alii imperanda prævidere. Quasi enim hujus partis milites commemorabat Paulus, cum Colossensibus scriberet, dicens: *Salutat vos Aristarchus concaptus, & Marcus consobrinus Barnaba, & Iannes, qui dicitur Iulius, qui sunt ex circumcisione, hi soli sunt adjutores mei in regno Dei.* Item Romanos alloquens, ait: *Salutat Priscam & Aquilam adjutores meos.* Et post pauca: *Salutat vos Timotheus & adiutor meus, & Lucas, & Iason.* Adjutores quippe suos discipulos vocavit: quia ordine minores erant, sed laboris participes: obedientia humilitate Apostolo subjecti erant; sed dum cum eo æterni regni gloriæ prædicant, cum eo pariter veritatem defenderent, infidelibus obstiterent, illatas persecutions fortiter sustincent, quasi in bello Dei milites regis erant. Cum rege in Gabaa pars exercitus ire dicitur: quia perfecti discipuli in alta dispositione sanctæ Ecclesiæ magistrorum suorum coadjutores sunt: auxilia, quæ possunt, per altitudinem virtutis ferunt; sed eis, quos adjuvant, per humilitatem servunt. Et quia hoc non nisi illi possunt, qui Spiritus sancti gratia præventi sunt, cum pars exercitus ire cum rege dicitur, subiungitur, [Quorum Deus tetigit corda.] Quia enim digitu tangere solemus, Deus corda sanctorum tangit, quando eis Spiritus sancti gratiam tribuit. Et ejus tactum sentiunt: quia, recepto interna virtutis munere, a carnalitatis lux debilitate commovenur. Qui protinus caelestis exercitus milites sunt: quia per virtutem sancti Spiritus infirma deserunt, & ad agenda fortia in Christi bello preparantur. Quia vero intra sanctam Ecclesiam quidam prælatos suos despiciere non verentur, audiunt: quia qui regem despiciunt, Belial filij dicuntur. Per superbiam quidem vitium in illius imitatione generantur: de quo scriptum est: *Omne sublime videtur, & ipse est caput super omnes filios superbis.* Qui aptè superbiorum mores insinuantur, quia dicunt: [Numquid iste salvare nos poterit?] Sancti etenim viri, quia præsentiæ despiciunt, æternæ inquirunt, contemptum mundi, quem in mente retinent, profert etiam in exteriori conversatione: intus venerabiles sunt, foris despicabiles videntur. Superbi ergo, quia illud solum, quod in sanctis foris despici potest, aspiciunt; illud vero, quod valde venerandum est, cernere non merentur, dicunt: [Numquid iste salvare nos poterit?] Quasi despiciendo interrogant: A tam parvo tam grandia speranda sunt? Iste tam parvus nos tam magnos: tam debilis tam fortes salvare posse credendus est? Nam quid est aliud, quod dicunt: *Iste & nos;* nisi quod superbis & arrogantes insipientes alios, semper parvos, & debiles esse credunt, se autem magnos, fortes, atque sapientes? Merito igitur Belial filij dicuntur: quia dum superbiose extollunt, illi se conformant, qui comedem modo occidisse de celo dicitur. De quibus etiam regem despicientibus dicitur:

Et non attulere ei munera.

Si ad litteram ista discutimus, hoc profecto insi-

nuant: quia & terrarum domini, & spirituales fan-
cta Ecclesia prelati exterioribus officiis honorandi
sunt. Unde & beatus Paulus Apostolus elatos Ro-
Rom.13. b
mans alloquitur, dicens: *Reddate omnibus debita,*
cui tributum, tributum: cui vestigal, vestigal. Hinc
1. Per. 2. c
Apostolorum princeps exhortans, ait: *Subiecti effo-*
ti omni humana creatura propter Deum, sive regi
tamquam præcellenti, sive ducibus tamquam ab eo
misis. Spiritualia vero munera rectoribus nostris
tribuimus, quando debitam eis honoris reveren-
tiam offerimus, & ea, que præcipiunt, cum magna
devotione servamus. Magna enim munera sunt
reverentia honoris, & humilitas subjectio[n]is: quia
dum rectoribus nostris, & intus per humilitatem sub-
dimur, & per exteriora obsequia foris honoris rever-
tentiam exhibemus, munus eis unum præbemus à
corpo, aliud à corde. Ut ergo superborum typum
infinitus Propheta, non dicit: *Non attulere ei mu-*
nus: sed, non attulere ei munera: quia dum electos
prædicatores despiciunt, eis utique honorem à cor-
pore offerre dedignantur, & humilitatem à corde.
Sed cum electi prædicatores subditorum culpam
agnoscunt, aliquando eam statim corrigerem incre-
pando gestiunt, aliquando hanc se nosse dissimu-

A lant; ut ad eam delendam congruum tempus qua-
rant. Unde & de codem despecto rege protinus sub-
ditur:

Ille verò dissimulabat se audire.

B Subditorum quidem pravitatem audit, qui nosci:
sed audit, & non respondit, immo se audire diffi-
cilitat: quia plerumque, causa exigente, nota sub-
ditorum superbia incorrepta deseritur, ut opportu-
niori tempore, quasi cognita, feriatur. Quam pro-
fessò Ecclesiastica centra discretionem bene in hoc
ipso Israëlis rege agnoscimus, si regni tempora, &
acta diversa videamus. Nam rufus adhuc, & novi-
ter ordinatus dissimilare se audire despicientium
verba dicitur, sed confirmato regno super Israël ad
dexteram, & sinistram pugnare, & quocumque se
vertebat, superare perhibetur. Culpa ergo, qua fe-
riri digna severitate non potest, dissimulanda, non
exponenda est: quia audaciis à subjectis delinquitur,
si prælatorum infirmitas agnoscatur. Hæc in quarto
hujus operis libro disputata sufficiant, ut per lo-
quendi principium ad exponenda, quæ restant, stu-
dium renovemus.

LIBER QVINTVS.

CAPVT PRIMVM.

CUM sacra hujus historiæ profundita-
tem asserere in istius operis præfatione
voluisse, in eo potissimum videri
posse asserui, quod scripta fuerit à Pro-
phetis. Ipsi quidem mystica dicere, non
solum verbis, sed etiam rebus consueverant: plana
proferre, sed alta signare. Quia enim per eos Spir-
itus sanctus loquebatur, & planum erat, quod ipsi,
velut homines dicebant, sed profundum, & mysti-
cum; quia locutionem hominibus summus & incircu-
scriptus Spiritus suggerebat. Quia ergo Prophetam
Samueli loquentem exponimus, tantò majori
studio indigemus, quantò ipse in Spiritu sancti
gratia sublimiter afflensus, exteriora dixit, sed inter-
iora vidit. Carnalia plerumque asseruit: sed inti-
ma & spiritualia signavit. Sed quia humano studio
ad divina pervenire impossibile est, non est nobis
confidendum de viribus propriis, sed de dignatione
Spiritus sancti, qui à Redemptore missus, Replevit
orbem terrarum, & hoc, quod continent omnia, in
omnibus iam scientiam habet vocis. Quid ergo jam
idem Propheta deinceps Israëlitarum gestis ex-
equatur, audiamus.

Cap. 1. a
Et factum est (inquit) quasi post mensem,
ascendit Naas Ammonites, & pugnare
capit adversus Iabes Galaad. Dixerunt
que omnes viri Iabes ad Naas: Habeto
nos fæderatos, & serviemus tibi. Et res-
pondit ad eos Naas Ammonites: In hoc
feriam vobis scum fædus, ut eruam om-
nium vestrum oculos dextros, ponamque
vos opprobrium in universo Israël.

Cap. XI.
1. Regum
Si historia queritur, nihil planius dici, nihil fac-
ilius potest intelligi. Si vero spiritum sequi volu-
mus, Paulum prius loquentem audiamus, qui ve-
teri intuentes, ait: *Omnia in figura contingebant illis:*
scripta sunt autem propter nos, in quos fines facultorum
devenerunt. Eſcè etiam spiritualia bella insinuat, di-
Eph. 6. b cens: *Non est nobis colluctatio adversus carnem, &*
sanguinem; sed adversus principes, & potestates, ad-
versus spiritualia nequitia in celestibus. Cūni ergo

C Naas ascendere, & pugnare contra Iabes Galaad di-
citur, interiora vitorum prælia designantur. Quibus nimur verbi sacrae historiæ processus ostenditur, ut novo regi nova bella moverentur: qua dum bene
coniceret, strenuitatis suæ gloriam demonstraret.
Quis est ergo iste Naas Ammonites? qua est Iabes Galaad? Sed Naas interpretatur, serpens, Iabes, ex-
ficcata. De serpente autem in Genesi dicitur: *Quia calidior erat cunctis animalibus.* Cujus profecto ser-
pentis similitudo si in virtutis quæritur, quid similius,
quam violentum gastrimargia, id est, gulæ motum
invenimus? Luxuria quidem motus, furti crimen,
turpis lucri appetitus, ira impetus: amaritudo fecul-
laris trifitiae, desidia acedia, appetitus vanæ glo-
riae, tumor superbia aperte detectabilis est: gulæ ve-
rò vitium tantò est fraudulentius, quantò & occultius:
quia & quasi necessarium suggerit cibum corpori, sed dum abundantier carnem reficit, luxuria,
gladium in mentem mergit. Suadet quod peccatum
non est; sed unde comeditio quasi non peccatum reci-
pit, inde peccato luxuria anima subjugatur. Unde & in paradiſo ad mulierem gulæ virtus decipiendam,
serpens venisse ostenditur, qui aliud suggesteret,
aliud obtineret; ut dum comedenda ostenderet,
improvisam mortem propinaret. Serpens ergo iste
gulæ designat aviditatem: quia & respectu julta ne-
cessitas replet, & virus impie delectationis spargit.
Bene etiā Ammonites dicitur, qui populus morioris,

Gen. 3. 4
interpretatur: quia letum videtur, quod suadet, sed
valde luctuosum erit in æterna damnatione. Popu-
lus autem dicitur: quia gulosi quique pro sollicitu-
dine ventris innumerabilium curarum frequentia
deprimuntur. [*Qui ad Iabes Galaad ascendi:*] quia
in alta abstinentia virtute posita justorum corpora
ad ciborum concupiscentiam precipitare appetit.
Exficcata quidem recte caro dicitur, quæ humore
pinguedinis non gravatur. Ad eos quidem Naas as-
cendit, quos exficcatis videt: quia illis graviora
bella gulæ spiritus ingerit, quos attenuatos jejuniis
agnoscit. Bene autem pugnare copisse Naas dicitur:
quia sancti viri gulæ suggestionem non habent in
fædere amicitia, sed in pugna contrarietatem. Ab-
stinentes enim, quasi cum serpente pugnant, quando
gulæ